

رواية لذلك احبك كاملة



بقلم مريم عمر

لتحميل المزيد من الروايات زوروا موقعنا

ايجي فور تريندس

او يمكنكم زيارة الموقع مباشرة من خلال

الروابط التالية

www.egy4trends.blogspot.com

www.egy4trends.com

هل يمكن لحادثه بسيطه ان تقلب

حياتهم؟... كتاب سر حبهم

مشفى جمعهم ليتغيروا

صدفه جمعتهم بل قدر

لذلك احبك ♥ □

التعريف

عرفي عن نفسك.. كل كل حاجه تقوليها

نيره:اسمي نيره ٢٥ سنه معلمه اجيال

مجنونه.. دبش دبش دبش وسع كده شويه

دبش دبش سنجل الحمد لله امم بحب

الروايات والرسم والشكولاته والنسكافيه..

كفايه كده عندي حصه □باي

-الي بعده

انا نور اخت نيرة عندي ٢٧ سنة مسافره مع
جوزي برا وده ابننا ياسين

سيف: انا ابن عم نيرة وزوج نور عندي ٣٠
سنة

-اتفضلوا-

راما: انا راما وده شهاب جوزي عندي في ٢٥
سنة

شهاب: ابقى ابن خاله نيرة عندي ٢٧ سنة
صيدلي

عُدي: احم اهلا اسمي عُدي ٢٧ سنه..
صاحب اكبر واشهر المكاتب.. هادي جدا بس
ده ميمنعش اني بحب الجنان بس هاتلي الي
اتجنن معاه.. سنجل والله بلا حب بلا بتاع..

ال حب ال ❏

-الي.. مكملش الكلمه ودخل سنان

سنان:انا| سنان صاحب عُدي ٢٧ سنه بردو
بس انا دكتور عظام صحاب ازاي... اصل احنا
جيران منذ الطفوله مترلين مع بعض يعني
فضايح .. مصايب.. بلاوي مع بعض □
مجنون جدا والله الي يشوفني يقول عيل
بس وربنا انا دكتور مش مصدق...!! عنك .
سنجل زي صاحبي

-حسبي الله في دي مهمه... اخلصي يا انسه
عود:اهلا.. اسمي عود دكتوراه أسنان ٢٦ اخت
عُدي بهتم بالوقت جدا بحب كل حاجه
مضبوطه عدلت نظارتها خطيبي يبقى
محمود بقالنا سنه تقريبا وان شاء الله
تتجوز... عن اذنكم عندي مواعيد لازم امشي..

-اتفضل... محمود: محمود29 □ سنه
مهندس.. لا بص انا لامجنون اوي ولا وقال
بصوت واطي نكدي زي خطيبتى بس اعمل

ايه اجبروني على انا فيه... طبعا انت مش
فاهم... بص هتفهم في القصة اصل عندي
شغل

-انا هستقيل سلام

لا سلام ايه امال مين هيكمل القصص معايا

-شوفي حد غيري ☐

لا انا عايزاك انت

-اشمعنا

علشان تافه

لذلك احببتك ☐

واصل قراءة الجزء التالي

part1

بسم الله الرحمن الرحيم

صباح الخير.. ايه مالكم في ايه اه
متتصدموش انا بحب اكلم نفسي وانا راичه
المدرسه... لا انا مش طالبه انا مدرسه. لا
مش ابتدائي.. اعدادي.. وللأسف يا جدع
مختلته مش قادره اخذ راحتى المهم
مطولش عليكم انا انسان نشيطه ومجنونه
واحب الجنااااان حد نفسه يتجنن معايا!؟
تمام اووي يلا بينا على الغم بسم الله
دخلت نيره الفصل: سلام عليكم..
طبعا الطلاب جري في اماكنهم وعليكم
السلام ورحمه الله وبركاته...
نيره: تمام... بصو بقى يا حلوين وراحت
حطت شنتتها على الكرسي... انا ابله نيره..
تمام معلمه دين..عارفه انكم بتكرهوا

المدرسه ونفسكم تولعوا فيها... بس نتفق
على حاجه انا مش عصبيه تمام واختباراتي
مش صعبه.. شرحي سهل وبسيط بس..
مش هتساهل من اي هبل واستعباط
بتعملوه وعلت صوتها تمام..

الطلاب:تمام

نيره: حلو اوي.. انا خلصت كلامي اعملوا الي
انتوا عايزينه.. وراحت قعدت فتحت
شنطتها وطلعت روايه وقعدت تقرا
فيها طبعا البنات ماسكينها تريقه سواء
هدومها مع ان لبسها جميل او طريقه
كلامها وأنها بتقرا روايه..

اما الاولاد مركزوش اصلا في حاجه..

خلص اليوم الدراسي الملل خرجت نيره من
المدرسه..:اروح دلوقتي على المكتبه ولا

اروح بليل؟.. هروح دلوقتي.. اصل انا مجنونه
روايات ومعنى ان الروايه الي كنت بقراها
خلصت دي كارته.. هجيب غيرها طبعا تعالوا
معايا... دخلت المكتبه وفضلت تدور على
روايه معينه بتمشي بهدوء وتبص على
الرف.. استمرت كده لحد ما خبطت في حاجه
رفعت عينه لفته راجل رجعت على ورا

نيره: سوري والله مخدمتش بالي

عُدي:اعمل ايه ب اسفك انتي كبيتني عليا
قهوه...

نيره: قولت سوري مكنتمش اقصد اكيد

عُدي: وانا اعمل ايه ب اسفك

نيره: خلاص قولنا اسفين الله متعملش من
الحبه قبه

عُدي: حبه وقبه ايه يعني تخبطني فيا وتكبي
عليا قهوهه وتقولني سوري اعمل بيها ايه ان
شاء الله هترجع لي القميص ابيض تاني؟؟

نيره: اللهم طولك يا روح بس يا بابا انت
شكلك عيل صغير ومخك اد النملة انا
مدرسه وافهم في العيال التافهه دي يلا منها
امشي

عُدي: عيل!!!! انتي اتجننتي انتي تعرفي انا
مين

نيره: لا معرفش ومش عايزه اعرف ولست
مهتمه اني اعرف تمام...وسع كده بقى
ومشيت متعصبه

عُدي كان واقف وفتح بوقه

فاكر نفسه مين الاخ ده قولنا سوري خلاص
عيل تنح كده عصبني وحرقت دمي وفوق كل
ده ملقتش الروايه... اوف

~~~

مين دي اصلا علشان تقولي كده انا عيل!!  
ومخي اد النمليه!... وهي مين ان شاء الله  
والله لو شوفتها بس مش هسيبها..

~~~

محمود:يا عود بقولك نخرج يا حبيبتني ساعه
بس

عود:قولت با محمود مقدرش المستشفى
كلها النهارده جايه اسنان وانا قايله لك اصلا
الاحد مينفعش

محمود:تمام خلاص وقفل

عود:دخلي الي بعده ..

دخل ولد في عمر الشباب وقعد

عود وهي باصه في الورق :خير يا استاذ...

- عمر بصت له

عود:استاذ عمر،

عمر:ها

عود:بتشتكي من ايه

عمر:وجع.

عود:فين؟؟ عمر وهو حاطط ايده على قلبه

هنا

عود:والله!! اممم حد قالك اني دكتوراه قلب؟

ولا البعيد اعمى؟؟ قوم من هنا حضرتك

وروح شوف دكتور مخ واعصاب يعالجك..

اتفضل برا

سنان:مش عايز حاجه يا بت انا غلطان اني
بسال فيكي... اخبار محمود ايه؟! عود
ضحكتها راحت وسكتت

سنان:... عود اسمعي كلامي.. صدقيني هو
مش بيحبك ولا عايزك سيبيه يا بنتي
وعيشي حياتك احسن ما تربطي حياتك
بفرده الجزمه ده اسمعي مني انا صاحبك
واخوكي ☐ وعارف مصلحتك... فكك منه لانه
مش مهتم لوجودك او عدمه

عود:خذت نفس عميق هشوف يا سنان
هشوف ☐

سنان:... يا ام العيون بريئه.. ليكي في الكلام
طريقه حيرتني في الحقيقه مش هسيبك لو
دقيقه.. غني يا بت

عود: متغمضيش عينيكى لما اقولك على الى
فيها انتى الى جوا قلبى والى ياما حلمت
ببها

-احم احم دكتور سنان

سنان: لف ايوا يا سعاد

سعاد: المرضى مستنيه حضرتك

سنان: جى اهو.. سلام يا عود

عود: باي

~~

... عُدِي: يا سنان دي فورت دمي

عود: ما انت استفزتها بصراحه يا عُدِي قالت

سوري خلاص مشيها

عُدِي: امشي ايه يا عود دي دلقت عليا

قهوه!

سنان:بص هي اكيد مش قصدها بس من
ناحيه الاستفزاز انتوا الاتنين مستفزين اكثر
من بعض

عُدي:غور يا سنان

سنان:خلاص يا بابا هدي اعصابك متبقاش
نرفوز كده فكك بقى.. عُدي:ماشي... عملتي
ايه مع محمود

عود:حتى انت

سنان:مهو حالك مش عاجبنا

عود:طب اعمل ايه!!

عُدي:فكرشي معاه وهو مش مستني سبب
قولي بس انك هتفركشي وهو هيرقص من
الفرحه..

عود:.... هشوف يا عُدي لسه مينفعش اخذ
قرار في الموضوع ده... قوم روحني يا عُدي
عُدي:.... عود لو مش عارفه تقولي له هقوله
انا..يتبع.

واصل قراءة الجزء التالي

part2

بسم الله الرحمن الرحيم

عُدي:ماشى. عملتي ايه مع محمود

عود:حتى انت

سنان:مهو حالك مش عاجبنا

عود:طب اعمل ايه!!

عُدِي: فكريشي معاه وهو مش مستني سبب
قولي بس انك هتفركشي وهو هيرقص من
الفرحه..

عود... هشوف يا عُدِي لسه مينفعش اخد
قرار في الموضوع ده... قوم روحني يا عُدِي
عُدِي... عود لو مش عارفه تقولي له هقوله
انا.. بس متربطيش حياتك معاه لانه
ميستاهلش

سنان: عُدِي عنده حق..

عود... انتوا شايفين كده؟

عُدِي: ايوه

سنان: ده الصبح يا عود

عود بصت لعُدِي: هعمل كام حاجه
كده وبعدين ابقني اخد القرار..

عُدي: تمام يلا بينا...

صباح يوم جديد يوم الاثنين

دخلت نيره المدرسه ومشيت لحد الفصل
دخلت.. لقت الولاد قاعدين جنب البنات..

نيره :.. صباح الخير..

الطلاب:صباح النور

نيره:ايه ده!

ولد:ايه؟؟

نيره:انتوا ليه قاعدين جنبهم

بنت:عادي يا ابله

نيره:فين العادي وضربت ب اديها على
المكتب قوم يلا انت وهو من هنا قووووم

الولاد قاموا بسرعه

نيره:روحوا هناك وانتوا قومي انت وهي من
هناك تعالي هنا يلاااا في خلال دقيقتين كل
واحد راح مكانه...اياكم اجي مره ثانيه الايكم
قاعدين زي ما شوفتكم مفهموم..

ولد:اشمعنا؟! فيها ايه يعني ما كل
المعلمين بيدخلوا محدش كلمنا حضرتك
بس الي زعقتي واتعصبتني..

نيره:..حلو سؤالك... اسمك ايه؟

ولد:.. كريم

نيره:حلو سؤالك يا كريم.. اجابته بقى
هقولهاالك دلوقتي.. ١ الاختلاط حرام وانتوا
مش اخواتهم ولا محرم ليهم علشان تقعدوا
جنبهم كده اظن كلامي واضح انتوا ٢
اعدادي مش ابتدائي وفاهمين انا بقول ليه

صح؟

كريم:يعني... ازاي

نيره: يعني مينفعش تمسك ايد بنت ولا
تقعدوا تحبوا في بعض وكل الي بيحصل في
المدرسه دي غلط... تمام في حديث عن
الرسول صلى الله عليه وسلم.. (يطعن في
رأس أحدكم بمخييط من حديد خير له من أن
يمس امرأة لا تحل له)... فهمت؟

كريم هز راسه بمعنى اه

نيره:حلو.. اقعد.. وياريت محدش يقف في
حصتي للجواب وانت قاعد عادي تمام
الطلاب: تمام.. طبعا كميہ التفكير.. بس لازم
تعلموا الحاجات دي وبذات في السن ده
لانهم بيبقوا في سن مراهقه وسن طيش...
عود: فهمت يا سنان ولا اديك بالقلم...

سنان: اتلمي يابت بعيدين فهمت خلاص
بلاش تقربي جعفر..

عود: جعفر في عينك.. عديم النظر

سنان ضحك: هقوم اشوف الناس الي
متكسره عندي ولما يشرف رني عليا في
الخبائه

عود عدلت نظارتها: تمام متأكد؟

سنان: مفيش تراجع

عود: تمام بعد ٢٠ دقيقه دخل محمود الاوضه
عند عود..

عود: محمود... وحشتني

محمود: كويس..

عود:.. موحشتكش ولا ايه!!

محمود: لا ازاي طبعا وحشتيني..

عود:امم اتصلت على سنان من تحت

المكتب

سنان دخل : دودي☐.. عامله ايه يا حبيبتى

عود: سنان☐عامل ايه

سنان راح قعد قدام محمود : زالفل يا

روحي... محمود ازيك معلش مخدتش بالي

كنت جاي اسلم بس على دودي اصلها

وحشاني اوووي اوعى تزعل ♥☐

محمود: لا عادي.. براحتك

سنان في نفسه: كتك ضربه في قلبك يا

بعيد... منك لله انت وامك يا ابن تهاني..

عود: بصت لمحمود..

محمود: تيجي نخرج النهارده؟

عود بتحاول متعيطش:... اعتقد مش هبقى

فاضيه يا محمود... معلش

محمود: كالعادة يعني... طيب همشي

علشان معطلكيش وقام وفتح الباب ومشى

عود: بصت لسنان والدموع في عينها.. وقامت

جري خرجت من المستشفى

سنان: راح كلم المدير وخرج ورا عود وهو في

العريه رايح للمكان الي متأكد ١٠٠% من

وجود عود فيه

لقاها واقفه قدام البحر وبتعيط

سنان نزل من العريه بسرعه وراح وقف

وراها : وربنا ما يستاهل دمعه من عينك

الحلوه دي..

عود عماله تعيط: علقتم نفسي بيه ليه؟

سنان: خلاص اهدى يا عود... يمكن ده خير

ليكي ومسح دموعها

عود: يارب.. انا تعبانه وعائزه اروح...

سنان: استنى بس اوصلك

عود: لا... عائزه اروح لوحدي.. سلام

سنان: سلام.. وفضل باصص عليها بحزن

نيره: اوووف اخيرا ده يوم دمه ثقيل.. يلا بينا

على المكتبة نشوف حبايبي الجداد... نيره

بتعامل الكتب والروايات على انهم عيالها.

وقفت قدام نفس المكتبه مكتبه

العود... يارب مشوفش ناس ترخم عليا زي

امبارح... ودخلت ومشيت بتتفرج على انواع

الكتب

عُدي: يا اهلا

نيره بخت عليه : اللهم طولك يا روح
وبعدين معاك يا اخ انت هو انت لاق في
المكتبه؟؟

عدي:حاجه زي كده

نيره: شكلك بتشتغل هنا انا هخلي المدير
يخصم لك او يرفدك علشان ده مش
اسلوب يعني بزعيق

- في ايه يا انسه

نيره: في ان الاستاذ ده مش محترم نفسه وانا
عايزه المدير علشان يعلمه الاحترام
- بس حضرتك....

نيره: لا بس ولا مبسش فين المدير انا قولت
كلمه ومش هرجع فيها
- مهو اصل..

نيره: ما تخلص المدير فين؟

عُدي: نعم

نيره: انت مالك انت دلوقتي انا بقول فين

المدير

عُدي ضحك : لا ابدا اصل انا المدير يا انسة

نيره : ايه!!!

عُدي: ايه؟ تعالي اشتكيتي بقى.

نيره بعصبيه :انت مش محترم على فكره

ومشيت

عُدي ضحك وفضل باصص عليها لحد ما

مشيت

نيره:بارد تنح عديم الاخلا... ااه في ايه يا انسه

عود وهي بتمسح دموعها :انا.. انا اسفه جدا

والله مقصدش

نيره: لا عادي حصل خير... ابتسمت

عود ابتسمت ومشيت خطوتين

نيره: يا استاذة

عود: نعم..

نيره: مهما الي كان مزعلك محدش يستاهل

دموعك.. ابتسامتك حلوه ابتسمي دايمًا

عود: ابتسمت ومسحت دموعها شكرًا

نيره: عفوا.. هو حضرتك داخله المكتبه دي؟

عود: اه ليه؟

نيره: اشتري الي اتتي عايزاه واخرجي بسرعه

عود: ليه؟؟

نيره: لان المدير بتاعها قليل الادب وينرفز

ومستفز

عود تنحت بعدين انفجرت ضحك :احم مدير

المكتبه يبقى اخويا

نيره بصدمة: ايه!!

عود:والله اخويا

نيره:احم اخوكي ده ملاك

عود ضحكت:لا عادي.. انت اسمك ايه؟

نيره:احم اسمي نيرة وانت؟

عود:عود

نيرة: في نفسها المكتبه باسمها:اسمك حلو

عود:شكرا... عُدِي عمك ايه بقى

نيرة:مين عُدِي؟

عود:عُدِي اخويا

نيرة:لا ده موضوع طويل ابقى خليه يقوله
لك

عود:عندك مانع اني اخد رقمك؟

نيرة:لا عادي وادتها رقمها.. عن اذنك لازم

امشي ♥ □

عود:اتفضلي □

~~~

عُدي:بتهزري

عود:ههزر ليه يا عُدي ده الي حصل والله

عُدي:اههه بطني وجعتني من الضحك

عود: سيب البت تشتري الي هي عايزاه

وابعد عنها

عُدي: ماشي يا قمري .. عملتي ايه في موضوع

محمود.. عود بصت له شويه... وقلعت

الخاتم من اديها :روح اديه الخاتم...

عُدي: علشان خاطري متعيطيش ♥ □

عود خدت نفس عميق : هحاول يا عُدي

هحاول... يتبع

واصل قراءة الجزء التالي

part3

بسم الله الرحمن الرحيم

عدى اسبوعين نيره مشغوله في المدرسه

وعود بتحاول تنسى محمود الي هي كانت

بتحبه

في يوم الخميس

-استاذہ نیرہ فی محاضره النهارہ

هتحضريها؟؟

نیرہ:عن!؟

-بيقولوا الاسنان

نیرہ:امممم هشوف

-تمام عن اذنك

وقت المحاضره كانت عود ماسكه المايك  
وبتتكلم وبتشرح لهم... نيره قامت من على  
مكتبها وراحت تشوف وقفت على جنب  
واول ما شافت عود ضحكت

عود:بس انا خلصت وبتلم حاجتها والطلاب  
قاموا علشان يروحوا فصولهم ونيره راحت  
لعود

نیرہ:بسسس

عود:ايه.. نيروو بتعملي ايه هنا؟؟

نيره:انا معلمه دين هنا

عود: لا بجد

نيره: تخيلي

عود: طب بقولك ايه انتي لازم تيجي معايا

بقي نتغدى مع بعض فاضيه صح؟

نيره: اه خلصت حصصي وهستاذن واجي

لك

عود: يلا مستنياكي... طلعت نيره وعود

فضلت تحت بتظبط حاجاتها موبايها رن

عود:ايه يا عدي

عدي: انتي فين يا بت

عود: كان عندي محاضره في مدرسه\*\*



عُدي: طب انا وسنان جاين

عود: جاين فين؟؟!

عُدي: اركزي يابت هخدك وتتغدى برا مع

سنان..

عود: لا مهو مش هينفع

عُدي: ليه؟؟ وراكي حاجه؟

عود: لا مهو...

عُدي: اخلصي يا بت اخرجي انا قدامي ه

دقايق وابقى عند المدرسه

عود: مترجعش تندم انك مسمعتش اشطا؟

عُدي: كان قفل اصلا

نيره: يلا؟؟

عود:.. يلا بس على فكرة عدي وسنان جاين

نيره: مين سنان؟؟

عود: جارنا من زمان يعني متربين مع  
بعض..

نيره: اها! ♥ □ تمام بس مش هاجي انا بقى  
روحوا انتوا..

عود: ايه الكلام ده لا مينفعش يلا

نيره: لا لا روحوا انتوا خلاص

عود: تعالي بس وملكيش دعوه ب عدي  
هتصرف معاه

نيره: يستحسن تبعدي اخوكي عني

عود: طب يلا.

طلعوا من المدرسه لقت عدي واقف لابس  
نظاره شمس ساند على العرييه وببيص في  
الساعه: قرن جوا يا... انت تاني

نيره:الصبر يارب الصبر.. نعم

عود:بس يا عُدِي اخلص يلا الجو الحر

عُدِي: اتفضلي ياختي

ركبوا كانت عود ونيره ورا و سنان و عُدِي قدام

سنان:معلمه ايه بقى

نيرة: دين

سنان:حلو

عود:اخيرا بكرا اجازه

نيره:اه والله اخيرا

سنان:محسني انكم بتبنوا جبال في ايه يا

دكتوراه في ايه يا معلمه الأجيال

عُدِي:معلمه اجيال دي دبش اجيال لكن

معلمه اجيال مستحيل

نيره:الرد على السفية مذلہ...

عُدي وقف العربيه لف لها:تقصدي ايه يابت

نيره:واضحة زي الشمس الا لو انت غبي او

اطرش

عُدي:ده انت مش دبش بس ده انت

مستفزه درجه اولی

نيره: عارفه خلصت؟.

عُدي:ايه التناكه دي يابت

نيره: فتحت الباب لا تناكه ولا زفت بص يا

جدع انت اخرك معايا لو شوفتني سلام

عليكم عليكم السلام ماشي متفتحش

بوقك معايا باكثر من كده.. بصت لعود

معلش يا عود بس انا دمي هيفور لو قعدت

معاه مره تانيه سلام...

عود: استني بس يا نيره.. حلو كده؟

عُدي:ايوا احسن راحه نفسيه

نيره بتمشي في الشارع ومتعصبه وبتكلم  
نفسها..:مين سمح له اصلا انه يتكلم معايا  
انسان بارد ومزعج ومستفز جدددا يا  
ربي...دخلت العماره وقفت عند الاسانسير

-ازيك يا نيره

نيره:بصت وراها كان شاب من سكان  
العماره:ازيك يا علي.. في حاجه؟؟

علي:لا ابدأ مفيش حاجه قولت اطمئن  
عليكي عايزه حاجه

نيره:شكرا.. عن اذنك ودخلت وضغطت على

رقم الدور

دخلت فكت طرحتها صلت الظهر طلبت

اكل.. وقعدت ترسم.. واتصلت باختها

نيره:يا نور مستفز اوي

نور:فكك منه خلاص

نيره: سايباني بكلم الحيطه.. كان لازم تتجوزي

وتسافري يعني مع البتاع بتاعك ده

نور:نيره بتسلم عليك يا سيف

نيرة بتضحك

نور:اتجوزي انت كمان متزهقيناش

نيره:لا يعني لا انا لسه ٢٤ ال اتجوز ال..

نور: اصبري عليا انزل لك واجوزك كلها شهر

نيره: في احلامك يا نور

نور:بتعملي ايه طيب

نيره: برسم..

نور: يا عيني يا عيني لما تخلصي تبعتيها

نيره: من عيني

نور: هقفل بقى علشان اخلص الاكل

نيره: سلام يا حبيبتى...وهي بترسم القلم

السنون خلص

نيره: عاااا مش وقتك قامت لبست ونزلت..

يووووه هو مفيش مكتبه غيرها هشوف

واحد تانيه.. فضلت ماشيه ماشيه وقفت

بنت سالتها

نيره: هو في مكتبه قريبه؟!

-في العود هناك

نيره: غيرها

-لا معرفش بس المكتبه التانيه في الحي ده  
هتلاقيها بعیده شوية اسمها البيان

نيره: خلاص شكرا.. ياربي لازق فيا فين ما  
روحك كان لازم تخلص يعني كتك القرف  
انت كمان.. دخلت المكتبه وبتحاول تخلص  
بسرعه علشان ميشوفهاش راحت عن قسم  
الادوات المدرسيه لقت الرصاص

نيره: يس يس وراحت عند الكاشير ودفعت..  
الحمد لله مش موجود.. طلعت كان هو داخل  
بص لها وضحك بصت له بحتقار ومشيت

نيره: هيرفعلي ضغطي... طلعت البيت..  
وبعدين بدات فقره ذكريات حزينه كانت  
قاعده بتفتكر صاحبها اختها نور.. كل دول  
مشيوا فجاه وبقت لوحدها هنا.. بدات تعيط  
وكانت مخنوقه جدا.. قامت لبست وخذت



معاها الكراسه والقلم وراحت قعدت قدام  
البحر.. وبدأت ترسم..

-احم ممكن اقعد؟

نيرة رفعت راسها!! عايز ايه يا استاذ عُدي  
عُدي... ابدأ وقعد جنبها كنت حابب اعتذر  
ليكي

نيره:شكرا مش عايزه اعتذارات.. بعدين انت  
عرفت اني هنا منين؟؟؟

عُدي:والله انا شوفت خارجه من المكتبة  
وقولت لازم اعتذر ليكي.. لأني أساءت ليكي  
اوي.. ف اسف يعني على كلامي..

نيرة ابتسمت :انا كمان اسفه على كلامي..

عُدي: عادي... ممكن تحكي لي عن نفسك

نيرة:لا.. (بتلم حاجاتها) بص يعني اصل  
شوف قعدتنا كده مع بعض خلوه وتعتبر  
حرام شرعا لان مفيش حاجه تربطني بيك..  
اسفه.. مع السلامة ومشيت بسرعه

عُدي:خلوه! حرام!

صباح يوم جديد

عُدي:لا المره دي عندي يا حلوين زي كل يوم  
قمت وصحيت عود وفطرنا ونزلنا .. احم ايوا  
لسه موضوعها شاغل دماغي اصلها غريبه  
اوي.. بس متقلقوش انا متأكد اني هشوفها..  
جبت الثقه منينبساطه لانها ساكنة قدام  
المكتبة صباح الخير بقى (بيت عُدي بعيد  
عن المكتبة)

نيرة نزلت بسرعه لانها متأخرة وماشيه بتحط  
حاجتها في الشنطة

عُدي:يا آنسه

نيرة لفت .. انت تاني؟ عايز ايه يا استاذ عُدي

عُدي(قولت لكم هشوفها) ابدأ بس انتي

وقعتي الدفتر ده

نيرة:خذته شكرا ومشيت

عُدي:جميلة اوي كمان لابسه اللون اللي

بحبه انا اتجننت ولا ايه عند نيرة:بيطلع لي

منين ده؟؟ اوووف يارب صبرني.. دخلت

المدرسة طلعت حطت حاجتها على

مكتبها

-صباح الخير يا ميس نيرة

نيرة وهي بتتظبط حاجتها:صباح النور

-مردتيش عليا يعني في موضوع انك تخرجي

معايا؟

نيرة سابت الي في ايديها وبصت له :استاذ  
سالم اظن ان اجابتي وصلت من اول مره  
عن اذنك وسحبت كتبها من على المكتب  
ومشيت.. يارب ارحمني بقى مناظر تسد  
النفس فتحت الفصل ودخلت بصت لهم  
:سلام عليكم

الطلاب ردوا السلام حطت الكتب على  
المكتب وبصت لهم :عايزين تاخدوا حصه؟!  
الطلاب بصوا لبعض واكيد الاجابة لا

نيرة:تمام مفيش حصه النهاردة بس بشرط  
عايزه كل حد فيكم يقوم يحكي قصه استفاد  
منها حاجه قرائها او حصلت معاه تمام؟.

الطلاب:حاضر! بالحركة البسيطة دي خلت  
نيرة الحصه تعدي بسرعه!تبقى خفيفة  
عليهم خصوصا انها الاولى غير كده كلهم  
استفادوا من قصص بعض ♥ □ عملت كده

مع باقي الفصول وخلصت حصصها وكانت  
قاعده على المكتب بتاعها بتقرأ  
كتاب دخلت الوكيلة :استاذة نيره..

نيرة:نعم؟

الوكيلة:المديره عايزاكي

نيرة قفلت الكتاب: حاضر جايه... قامت  
ونزلت ورا الوكيلة ودخلت اوضة المديره

نيرة: خير حضرتك؟

المديره: اقعدي .. قعدت نيرة : بصي يا  
استاذة نيرة انتي شاطره جدا وطريقة  
شرحك عاجباني ومبسوطة بيكي جدا.. بس  
حساكي متساهلة شويه مع الطلاب..

نيرة: ليه يعني؟

المديرة : وصلني كلام انك مدتيش دروس  
النهارده وقعدتوا تحكوا قصص وتهزروا غير  
كده الحصه بيبقي نصها ضحك وهزار..

نيرة: بصي حضرتك المفروض متحكّميش  
على طريقه شرحي بالفشل طول ما الطلاب  
فاهمين والمعلومه داخل رأسهم يبقي  
خلاص طريقتي صح موضوع اني مدتش  
دروس ف ده علشان اخفف عليهم شويه  
مش لازم اعمل لهم ضغط نفسي ومش  
ضروري كل يوم دروس عادي يوم فاصل في  
النص بعدين مضيعتش الحصص علي  
الفاضي القصص الي حكوها خدوا منها  
فايده بعدين نص الحصه هزار وضحك مين  
قالك ان لازم الحصه بيبقي نكد وزعيق  
معلش يعني دي مش طريقه انا كده  
هخليهم يكرهوني ف بعد اذنك مش بحب

حد يحكم علي طريقه تعليمي ايا كان مين  
بعد اذنك... خلص الدوام قامت نيرة واخذت  
حاجتها وطلعت..

في المستشفى

سنان:يا بت اهدي خيلنا اشوف ايدك بطلي  
عياط متعصبنيش

-اهدى ازاي انا دلوقتي ايدي اتكسرت  
ومحدش هيحبني بعد كده

سنان: يا رب الصبر من عندك بص لامها  
سكتيها علشان اشوف اديها... مسك اديها  
براحه وحركها بتوجعك؟ -لا

سنان: طيب مش مكسوره ولا حاجه عملتي  
فيها فيلم هندي روعي اعلمي اشعه وتعالى  
اشوف في ايه -انت بتتكلم كده ليه؟ فاكر  
نفسك مين

سنان: خدي بنتك وامشوا لانها صدعتني  
ولسه هتعملي فيها حقوق المرأة يلا يا امي  
امشي

عود دخلت: سناااااان

سنان: ايه انت كمان براحه!!

عود: احم معلش عندك حالات اجي في وقت  
تاني؟

سنان: لا تعالي، و انت روحي اعلمي اشعة..

- البنت بعصبيه يلا يا مامي نروح لدكتور  
احسن من ده وطلعوا

عود: يلا مامتها روحوا لدكتور احسن منه يلا  
مش هنموت عليكم يختي

سنان ضحك:.. عايزه ايه؟

عود: ابدا زهقانه قولت اغلس عليك



سنان: هو احنا في حضانه يا بنتي احنا في  
مستشفى امشي يابت شوفي المرضى الي  
عندك

عود : ليه السيرة دي بس.. احنا دلوقتي في  
بريك

سنان بص في ساعته: طب تيجي ناكل حاجه  
لاني جعان جدا

عود: مفطرتش صح

سنان: حفظاني يا خواتي

عود: قدامي يخويا

سنان: حبيبتني تسلمي يتبع...

واصل قراءة الجزء التالي

part4

بسم الله الرحمن الرحيم

عند نيرة رجعت البيت: اوووف... بعدين في  
الملل ده... بليل كانت نيرة قاعده بتتفرج  
على التلفزيون لقت موبايلها بيرن بصت  
على الرقم لقتها عود

نيرة: سلام عليكم

عود: وعليكم السلام. انت في البيت يا نيرو

نيرة: اها ليه؟؟

عود: اجهزي علشان جايه اخذك انا وسنان

نخرج شويه

نيرة: لا ننزل ايه بس الساعة ٧

عود: بس يابت يلا ولا كلمة ايه يعني الساعة

نيرة: عندي مدرسة يا بت بكرا الصبح لو  
نمت متاخر هضيع

عود: مش مهم يلا انا في الشارع عندك يلا..  
وقفلت

سنان:شطوره

عود:انا ازاي اقنعتها بحاجه انا مش مقتنعه  
بيها

سنان :بصي يا اختي لازم شويه جنان  
المستشفى المدرسه مش هيطيروا يعني  
الوقت ده اجازتنا

عود ابتسمت ولفت وشها لباب العمارة

نيرة : لا بأس ببعض الجنان

لبست جيبه كحلي وقميص ابيض وطرحه  
كحلي فاتح شويه وكوتشي ابيض

فتحت باب العربية وركبت : اتتوا مجانيين  
والله

عود: فكرة الاخ المجنون ده

سنان: ربنا يخليكي نروح لُعدي بقى

نيرة: نعم!! لا عُدي جي نزلني حالا

سنان: بالله عليكي متزعليش يا نيرة بقى  
وسيبك منه خرينا ننبسط الكام ساعه دول

عود: ايوا يا نيرة بليز

نيرة: اوووف طيب بس ابعديه عني

عود: حاضر بس اضحكي بقى

نيرة ابتسمت : حاضر

سنان: ايوا كده

قاعدين في العربيه سنان بيسوق جنبه عُدِي

وورا نيرة وعود

سنان: انزلوا

عود: آيس كريم.. الله

نيرة ابتسمت على فرحه عود

سنان: يلا اخلصوا

نزلوا دخلوا المحل

طلبوا وقاعدوا ياكلوا

سنان: استاذ عُدِي باشا

عُدِي: ايه يا سنان

سنان وهو بيضحك: اختك النهارده كسفت

اتنين خلت منظرهم وحششش

عُدي:عود؟ متأكد انك بتتكلم على

الطفله البريئه دي

سنان: طفله بريئه قدامك يا حبيبي

مشوفتهاش النهارده

عُدي: عملتي ايه؟

عود بصت لهم: سنان قوله انت سيبي مع

آيس كريم وكملت اكل

نيرة : قاعده باص لهم وبتضحك

سنان حكى الي حصل

عُدي: جدعه يابنت تربيتي

عود وهي بتضحك: عيب عليك تشك في

تربيتك

سنان: طب يلا منك ليها ليها عايز اروح اقعد

على البحرشويه

عُدي: اصبر شويه طيب

سنان:عايز البحر

عُدي: بيني انت مدمن؟

سنان: هو في احلى من البحر ولا ايه يا نيرة

نيرة: ها!

عود:انتِ في عالم تاني

نيرة: لا ابدأ معاكم

سنان : كنت بقولك هو في احلى من البحر

نيرة: لا طبعا البحر ده حاجه جميلة جدا

وتفتح النفس

سنان: شوفت

عُدي:طب يلا يا خفه

راحوا قعدوا على البحر جت بنوته صغيره :

ورد؟

عُدي: شكرا يا حبيبتى.. البت مشيت

نيرة!! قامت وراها يا حبيبتى تعالى

-نعم يا هانم

نيرة: اسمك ايه يا حلوه

- فرح

نيرة: طب بصي يا فرح خدي الفلوس

فرح: بس ده كتير اوي

نيرة: ملكيش دعوه بس

فرح: هتاخدي الورد

نيرة: لا يا حبيبتى خليه

فرح: طب واحده بس



نيرة: حاضر واخذت واحده لونها احمر

فرح: شكرا

نيرة ابتسمت لها ورجعت قعدت مكانها..

طبعا كلهم مستغربين نيرة

عود: تعرفيها؟

نيرة:لا..

سنان: اديتها فلوس كتير الله اعلم هتعمل

بيها ايه

نيرة: هتعمل بيها ايه دي طفله

عُدي: مهو علشان طفله دلوقتي الاطفال

بيشربوا سجاير.. وببهيصوا

نيرة: مظنش انها هتعمل كده ♥ □ بصت

على البحر وسرحت فيه

سنان وعود عمالين يرغوا ويهزروا وعُدي  
مركز مع نيرة فجاه لقي نيرة بتدمع

عُدي: نيرة انتِ كويسة؟

نيرة لفت عليه مسحت دموعها: اه انا تمام...

هقوم اروح الساعه بقت ١٠

سنان : طب استني نوصلك

نيرة: لا لا شكرا بيتي هنا هعدي الشارع بس

وشكرا على الخروجه دي

سنان: انت قولت لها حاجه زعلتها ؟

عُدي : لا انا متكلمتش معاها اصلا هي كانت

بتبص للبحر وبعدين عيطت

تاني يوم الصبح

نيرة قامت صلت ولبست ونزلت دخلت  
غرفه المعلمين حطت حاجتها على المكتب  
وقعدت جت لها معلمة

- نيرة -

نيرة: ايه يا سلمى

- ابدأ كنت حابه اعزمك على خطوبتي  
النهاردة

نيرة: الف مبروك يا حبيبتي بس مظنش اني  
هقدر احي

-ليه بس... لا لازم تيجي بليزهزلع والله

نيرة: حاضر ان شاء الله مش هزعلك  
وهاجي

- حبيبتي ♥ □ وادتها كارت الدعوة

عدى اليوم عادي بالملل الروتيني بتاعه...  
بليل في احدى قاعات الاسكندرية دخلت نيرة  
بالرغم من ان لبسها مكنش ملفت الا ان  
معظم الحضور ركزوا معاها  
راحت باركت لسلمى وراحت قعدت على  
تراييزه..

عود: نيرو!!

نيرة: عود بتعملي ايه هنا؟!

عود: انت الي بتعملي ايه هنا؟!

نيرة:العروسة صاحبتني

عود:العريس دكتور معانا في المستشفى

نيره:على كده سنان اكيد هنا

عود: مهو هايص مع العريس اهو

نيرة ضحكت

قاطع كلامهم موبايل عود

عود: لحظه هرد يا نيرة وجايه

نيرة: تمام خدي راحتك... بصت شويه قدامها

بعدين طلعت وقفت برا تشم هوا

عُدي وقف جنبها : كان عندي احساس اني

هشوفك هنا

نيرة لفت وشها: انت تاني!

عُدي بضحك: لا تاني ايه قولي عاشر

نيرة: صح..

عُدي: ممكن اعرف كنتي بتعيطي ليه امبارح

نيرة: مش مهم اقولك ليه؟

عُدي: اظن انه مهم بالنسبه ليا..

نيرة: ليه ان شاء الله اخويا؟! ابويا؟! خطيبي!؟

جوزي!؟ لا يبقى مش مهم

عُدي: لا مهو انا هبقى واحد منهم

نيرة: واحد من مين؟

عُدي قرب شوية منها: هبقى اخر اتنين

نيرة: قصدك ايه؟ زقته ابعده شويه طيب

وبعدين وسع كده انا اصلا بتكلم معاك ليه

عُدي قرب اكثر: تُو بصي بقى علشان انا

انسان صريح اوي.. انا عايز اخطبك وهاجي

بكرا عندك اعتراض!؟

نيرة: اه ات.. قاطعها

عُدي: يبقى مش مهم بكرا انا جي اخطبك

مليش فيه بعد عنها سلام يا مرااتي وغمزي

سابها وهو بيضحك

نيرة واقفه وشها احمر وبتاخذ نفسها وقلبها  
كانه في سباق مستحيل ده مجنون !! وقفت  
تاكسي ومشيت دخلت البيت فتحت  
تنحت... يتبع

واصل قراءة الجزء التالي

part5

بسم الله الرحمن الرحيم

نيرة فتحت الباب وتنحت لقت نور قدامها

نور: نيرووو

نيرة ضحكت و جريت عليها حضنتها

وعيطت

نور بتطبطب عليها : في ايه يابت ايه العياط

ده مخلص

نيرة بعياط : وحشتيني اوي

نور: انت اكثر

سيف:احم ازيك يا نيرة

نيرة:مسكت المخده من جنبها ورمتها في  
وشهه : انت تسكت خالص كفايه انك  
خدتها مني سنتين مشوفتهاش كله بسببك

سيف: اهدى يا كابتن انا اسف والله اختك  
قدامك اهي وابن اختك اهو

نيرة بصت على الطفل الي بين اديهم:  
ياسينن يا قلبي كيوت وشالته

نور: بالله عليكى مش شبه سيف

نيره بقرف: ايش جاب البيبسي للعرق  
سوس

سيف: احم دي اهانه؟

نور فطست ضحك: يخربيت التشبيهه



سيف: اضحكي اضحكي

نيرة: براحتها ايه هتعمل ايه

سيف: ولا حاجه

نيرة: اه بحسب ايوا كده خدي ابنك بقى

نور: هاتي

نيرة قامت جابت عصير وقدمته : بقى تقولي

لي كمان شهر و الموضوع كمان يومين

نور: معلش بقى علشان تظبط المفاجأة

سيف: انت كنت فين؟ انا قولت هروح

هلاقيها نايمة

نيرة:كنت في خطوبه واحده زميلتي قعدوا

يتكلموا شوية

بعدين سيف تعب ودخل نام وياسين معاه

نيرة فكت الحجاب : نور

نور: اممم.. في ايه كنت عارفه انك مش

مظروبطة

نيرة: في واحد كده...

نور غمزت: ماله

نيرة: عايز يجي يخطبني بكرا

نور: بجد!!!

نيرة: امال بهزر

نور: وانت موافقه

نيرة: مش عارفه يا نور..

نور: ليه بس!

نيرة: متردده اوي اصل الموضوع مش سهل

نور:نبقى نشوف بكرة وسيف يبقى يتكلم  
معاه قومي انت نامي وريحي عقلك شويه  
وفكك بكرة مفيش مدرسه

نيرة:بس..

نور:مبسش ولا كلمه زياده قومي نامي يلا

نيرة:حاضر..

-----

محمود:يا عود انا اسف بجد وو خلاص  
عرفت غلطي

عود:محمود.. لآخر مره هقولك مش عايزاك  
يا اخي خلاااص انت تعبت نفسيتي سييني  
في حالي قفلت الموبايل

سنان:عود!

عود مسحت دموعها بسرعه: نعم يا سنان

سنان:بتعيطي ليه بس

عود:محمود اتصل تاني ويقول عرفت غلطي  
خلاص وعاييزني ارجع له

سنان:فكك منه مسمعيش كلامه ومترديش  
عليه اصلا اتفقنا

عود:اتفقنا♥□

عُدي:في ايه يا حلو منك ليها قفص جوافه  
انا!

عود حضنته: لا ازاي

سنان:لا نهائيا انت قرطاس لب بس

عُدي:طب احترم نفسك يا خفه... يلا نروح  
ولا هنبات هنا

عود:يلا. في العربية

سنان:انت بتهرج!!



نيره: حاضر وقامت بدات تجهز البيت  
والحاجات هي ونور وسيف طبعا على وقت  
العصر الباب خبط نيره بصت لنور  
نور: ايه ايه متخافيش ده اكيد خالتك  
نيرة: راحت تفتح لقت شهاب في وشها  
نيرة: ايه ده شهاب ازيك اتفضل.. امال خالتو  
فين؟

شهاب: طالعه هي وراما

راما: انا جيت

نيرة حضنتها رورو وحشاني

راما: انت اكثر يا روجي

خالتها(فيروز)

فيروز: وانا موحشتكيش؟

نيرة: وحشتيني طبعا يا خالتو وحضنتها

قعدوا قعده عائلية شويه ضحك وهزار

شهاب: يعني دلوقتي موافقه عليه ولا لا

مخي لف يا بت

سيف: اهو ده الي بحاول افهمه من الصبح

نيرة: مهو معرفش انا معرفهوش بطلوا غباوه

بقى ابنك غبي ليه يا خالتو

فيروز: والله ما اعرف يا بنتي

سيف: سامع امك

شهاب: سامع وعامل اطرش

نور: اقسم بالله عقلهم اصغر من عقل

ياسين

راما: طب بس لوك لوك قوموا ورايا انتوا

الاتنين نجهز العروسة دي وانت يا سيف

امسك ابنك ده شويه تعالي ورايا انتي كمان  
يلا يا فيروزه تعالي معانا وقاموا دخلوا اوضه  
نيرة وقفلوا الباب وسابو سيف وشهاب  
وياسين مع بعض

---

عند بيت العريس

عود:والله مجنون يا عُدي افرض رفضتك

عُدي:مش هترفضني

سنان:وايه الثقة العمياء دي

عُدي:هتشوفوا لف لهم ايه راياكم؟

سنان:باشا

عود:قمر

عُدي:يلا بينا يا قمري وانت يلا قوم يلا



سنان:يعني هي قمرک وانا يلاه تبا لهذه

العنصريه

عود ضحكت ونزلوا

الساعه ٨ بليل

رن الجرس الكل جاهز نيرة قاعده في اوضتها

وجاهزه وبس رن الجرس قلبها بدا يدق

بسررعه باقي العيلة برا

سيف فتح الباب بصله عدي باستغراب

عدي:شقة انسه نيرة؟

سيف: ايوا اتفضل

عدي:مين حضرتك؟

سيف: جوز اختها اتفضل ادخل دخل عدي

وبعديه سنان وعود قفل سيف الباب سلموا

على بعض

سيف: اتفضل اقعد.. سيف زوج نور اخت

نيره وده شهاب ابن خالتها

عُدي: عُدي ودي اختي عود وده سنان...

طبعا حضرتك عارف احنا جاين ليه

سيف: اكيد

عُدي: بص قبل الرغي الكثير الي ملهوش

لازمه انا عايزها زي ما هي لا مطبخ وجهاز

وكل الرغي ده مش هعمله لانه جاهز اصلا

انا عايزها بشنطة هدومها

سيف ضحك: انت داخل سخن كده ليه

اصبر بس نتفق واتفاهم الاول

شهاب: انت عارف نيرة كويس؟

عُدي: مش اوي يعني متكلمناش كثير

علشان اعرفها

شهاب:امممم

سنان:عادي مع الايام يفهموا بعض

سيف:وانت جاي تخطبها مش بتلعب بيها

صح؟

عُدي:اكيد جاي اخطبها لو عايز العب بيها

هاجي اخطبها منكم ليه؟

شهاب:امممم لا انت تقعد مع نيرة بقى.

علشان تفهم دماغها وتعرف شروطها وقال

بصوت واطي ده لو وافقت أصلا

عدي: بتقول حاجه؟

شهاب: لا ابدا

سيف: وانت بتشتغل ايه بقى؟

عدي:مدير عدد كبير من المكتبات المشهوره

لو تعرفهم مكاتب العود

سيف: لا والله انا مش عايش هنا علشان

اعرف

شهاب: انا عارفها المكاتب بتاعته موجوده  
في كل شبر في البلد والصراحه يعني مكاتب  
نظيفة

عدي ابتسم: شكرا وقعدوا يتعرفوا على  
عدي وشغله وحياته .... يتبع

تفتكروا نيرة هتقول ايه وهتبقى ايه  
شروطها ويا ترا هتوافق ولا لا ؟

واصل قراءة الجزء التالي

part6

شهاب: انت تقعد مع نيرة بقى هي تفهمك  
الوضع وتتعودوا شويه على بعض وقام هو  
وسيف دخلوا جوا

شهاب: بت اطلعي له

نيرة: نعم! لا

سيف: هتطلعي ولا ادخله هنا

نيرة: ايهه!! لا لا خلاص هطلع.. وسع كده..

لفت وبصت له هما ١٠ دقائق فاهم اكثر

من كده لا وعدت من جنبه

سنان سحب عود وطلعوا وقفوا في البلكونة

طلعت نيرة وكانت لابسه فستان رصاصي

وطرحة نبيتي كان شكلها يجنن

عُدي كان مبهور بجمالها

نيرة قعدت قدامه : خير؟

عُدي: كل خير

نيرة: اممممم

عُدي: بصي اظن ان جوز اختك وابن خالتك

موافقين والا مكنتيش طلعتي وانا

مفهمتش منه كلمه مفيدة وقالوا افهم من

نيرة فهميني يا نيرة بقى

نيرة: ابدأ الموضوع بسيط مش انت

هتخطبني؟

عُدي: انا عملت كده بالفعل

نيرة: حلو اسمع شروطي بقى علشان

اوافق عليك ومتقاطعينش لحد ما اخلص

اسال الي انت عايزه

عُدي: حاضر... قولي

نيرة: ١ مفيش خروج لوحدنا كل خروجه

هيبقى معايا شهاب ٢ مفيش مسك ايد ابدأ

اياك تعملها ٣ جو بعد الساعه ١٢ ده مش

عندي لاني ك معلمه لازم انام بدري ٤ انا

مش بحتفل ب الاعياد زي عيد الحب وعيد  
مش عارفه ايه تمام ف انا من دلوقتي  
بقولك عيد الحب بالنسبه ليا يوم عادي  
خالص ف متتوقعش مني اجيب اي حاجه  
ليك تمام؟

عُدي:طب... ممكن افهم ليه لكل نقطه؟

نيرة:ا علشان انت مش جوزي ولسه محرم  
عليا مينفعش اخرج معاك لوحدي

عُدي:وشهاب هو الي حلال!!!

نيرة:اه شهاب حلال شهاب براحتي اسلم  
عليه اقعد معاه من غير حجاب براحتي انت  
مالك

عُدي:نعم يختي؟

نيرة:مش موضوعي شهاب دلوقتي ٢علشان  
حرام تمسك ايدي قبل كتب الكتاب ٣ قولت  
السبب ٤ علشان حرام.. بس

عُدي :ليه برضو شهاب عادي

نيرة:انت مالك الله وقامت اتشرفت  
بمعرفتك يا استاذ عُدي ودخلت جوا

شهاب: عقدتیه؟

نيرة: اتلم يا خفه

سيف: موافقه؟ طيب

نيرة: بصت لنور ونور هزت راسها

نيرة: افكر

راما: اخلصي يا نيرة

سيف طلع :بص هي لسه هتفكر بس يعني

قول يارب



عدي: هتفكر؟!

سيف: اه

عدي: تمام عن اذنك يلا.. ونزلوا

...

نيرة: يوووه محدش يزن عليا انا قولت هفكر

خلاص

نور: بت متعصبينيش عاجبك القعده لوحك

يعني! هتتجوزيه يعني هتتجوزيه عاجبك

مش عاجبك هتجوزه ليكي حتى لو غصب يا

نيره

شهاب: خلاص يا نور اهدي

سيف: خلاص يا نور تعالي شويه وشدها

وطلعوا برا

نيرة: اوووووف وقعدت على السرير

شهاب:والله عايزه مصلحتك مش اكثر

راما:بالضبط يعني هو راجل متعلم  
وبيشتغل وغني يعني شكل ومال وجمال

شهاب:تحبي اخطبه ليكي.

راما:لا عندي الاحسن منه وباسته من خده

شهاب:احم.. ايه لازمه الاحراج ده

نيرة:ولا.. اطلع برا انت ومراتك يلا

شهاب:بتطرديني!

نيرة:اه برا يلا برا

شهاب:ده انا اخوكي حتى

نيرة:مهو علشان اخويا اطلع برا

شهاب:مفتريه

راما: واقف بتضحك عليهم

نيرة حدفت عليه المخدة:اطلع برا بقى

شهاب:ماشي ماشي وطلع هو وراما

دخل سيف وودخلت وراه فيروز

نيرة:انتوا عاملين منوابه عليا!؟

سيف قعد:اسمعي بس قبل الدبش الي

هتحدفيه اولاً انا شايف الراجل كويس ودخل

البيت من بابه ثانيا محترم ومتعلم

وبيشتغل ثالثاً انا شايف انه بيحبك اوي ايه

الي مخليكي رافضه؟

نيرة:مش رافضه قولت هفكر

فيروز:طب بصي يا بنتي انت بتثقي في رأيي

دايماً صح

نيرة:طبعا يا خالتو

فيروز:واقفي

نيرة: انت شايفه كده؟

فيروز: ايوه

نيرة اتنهدت وفضلت باصه لهم : تمام

موافقه

تاني يوم الصبح

نيرة: نور بطلي زن هنزل يعني هنزل انا  
اخذت اجازة يوم واحد بس لازم اروح النهاردة

نور: يا نيرة بس

نيرة: سيف خد مراتك لاني مش هتخانق  
على الصبح سلام ونزلت

نور: مفيش فايده فيها

نيرة نزلت مبتسمه خرجت من باب العمارة  
لقته قدامها واختفت ضحكتها (ايه الي جابه  
على الصبح)

عُدي قرب منها وهو مبتسم وشال نظارة  
الشمس :صباح الخير

نيرة:صباح النور خير؟

عُدي:ابدا اصل سيف كلمني وقالي انك  
وافقتي.. ف كنت حابب اوصلك بس

نيرة باستهزاء:توصلني.. بص يا عُدي انت  
مش جوزي ولا حتى مكتوب كتابنا علشان  
اركب معاك لوحدنا فوق كل ده انت لسه  
مش خطيبي رسمي تمام عن اذنك علشان  
متاخرش ومشيت من جنبه وهي فطسانه  
ضحك من تعابير وشهه

عُدي:بقي كده واحده بواحد والبادي اظلم  
يا نيرة

نيرة بتتكلم في الموبايل وهي ماشيه :يا  
شهاب يعني عايزني اركب معاه... لا معلش

انا دبش... متهزرش لاني بتكلم جد هو مش  
محرم ليا علشان اركب معاه تمام فهمه انت  
بقى بمعرفتك واقفل لان وصلت المدرسه...  
سلام وقفلت ودخلت المدرسه دخلت على  
الفصل وقعدت :عايزه اسالكم سؤال

الطلاب:اتفضلي

نيرة:استفدتوا مني حاجه؟ من اول السنه  
لحد دلوقتي

الطلاب:اه

نيرة:ايه بقى؟ -ربنا دايمما هيساعدنا لو احنا  
بنطيعه. -انك زي اختنا الكبيره وعادي  
نقولك ونحيلك كل حاجه

نيرة كانت بتسمعهم وابتسامتها بتزيد  
[]:انتوا شطار خالص والله في كتاب بقى  
عايزاكم تجربوا تقروه مش ضروري للحابب

بس يعني اسمه (لأنك الله) كتاب جميل

جدا الي عايز يقراه

وبدات تشرح درسها.. ولما خلصت... اصيل..

تعال عايزه اتكلم معاك برا

نبذه بسيطه عن اصيل ( ولد عنده ١٣ سنه

انطوائي بس ذكي وشاطر جدا مش بيحب

يتكلم كثير مع نفسه سرحان غالبا بيتعرض

للتنمر كثير) قام وطلع برا معاها

نيرة: رجعت تسرح تاني ليه احنا مش كنا

اتفقنا اننا مش هنخاف خلاص والدنيا حلوه

اصيل: مهو اصل..

نيرة: اصل ايه..؟ مفيش سبب نزل في

مستواه افهم يا اصيل انت ذكي جدا وشاطر

وتقدر تتفوق على كل الي جوا دول بس

شارك معايا تمام اتفقنا

اصيل ببتسامه: اتفقنا

نيرة: واضحك دايمًا

اصيل ابتسم

مشيت نيرة راحت مكتبها وقعدت عليه

بترتبه

-انسه نيره

نيرة: يارب الصبر.. نعم يا سالم؟

-لسه منشفه راسك

نيرة:.. || قاطعها رنه موبايلها رن بصت عليه

رقم غريب فتحت: السلام عليكم

عُدي:وعليكم السلام

نيرة:مين معايا



عُدي:معقول مش عارفاني من صوتي ده انا

بقيت خطيبك يعني ...انا عُدي يا نيرة

نيرة:يووووه انا هلاقيها منك ولا منه وقفلت

في وشه وبصت لسالم اظن انك عارف

اجابتي وخبطت على المكتب ومشيت

عُدي: منه مين؟ تقصد ايه

نيرة خلصت حصصها اخذت استأذان

وخرجت وماشيه هتفرقع شهاب اتصل

عليها

شهاب: انت فين يا بت

نيرة : خارجه من المدرسة اهو ليه؟

شهاب: طب حلو انا قدام المدرسة نيره

قفلت وخرجت

نيرة:ايه الي جابك؟

شهاب: تعالي وانا هفهمك

نيرة: اخلص يا شهاب

شهاب : جاي افسحك شوويه

نيرة:تفسحني ايه هو انا عيله امشي يا

شهاب مش فاضيه لك

شهاب: لا مهو اسمعي ةعدي اتصل على

سيف ونور وحدد خلاص ان الخطوبة

الخميس الجاي

نيرة:نعم!! مين سمح له محدش قالي

شهاب: هو مش اتصل عليكي؟

نيرة: لا... اه هو اتصل بعدين... قفلت في وشه

شهاب: ايه ليه!

نيرة:فكك مش مهم

شهاب:ايه الي مش مهم انت عارفه الخميس  
الجاي كام يوم باقي عليه

نيرة: ٤ ايام؟

شهاب:احم النهارده الثلاثاء

نيرة:يعني... نعم!!!! يومين انتوا بتهرجوا  
مستحيل لا انا مش موافقه

شهاب :ايه شغل العيال ده

نيرة:انتوا مجانيين مليش دعوه خطوبتي مش  
بعد بكرة لا

شهاب : والله هتصل بنور اخليها تتفاهم  
معاكي

نيرة:لااا نور لا

شهاب اتفضلي قدامي اما نشوف الهبل ده..  
يارب صبرني

ركبوا العربيه ووصل قدام بيتها نزلوا دخلت

البيت لقت سيف قاعد مع عُدي

نيرة:خير انت بتعمل ايه هنا؟ بعدين مين

سمح لك تحدد ان بعد بكرا الخطوبه؟ انا

موافقتش بعدين جبت رقمي مينين؟ وانت

هنا ليه...

شهاب حط ايده على بوقها: اسكتي بقى

خدي نفسك ايه البت دي

نيرة عمال تزعق بس صوتها مكتوب

وبتشاور ب اديها

سيف: خلاص اهدي يخربيتك وانت سيب

بوقها سابها شهاب

سيف: تعال يا شهاب عايز اتكلم معاك...

وانت اقعدى مع خطيبك وافهمي منه الي

هيحصل

نيرة: مش هقعد مع حد.

سيف بص لها بعصبيه: هتقعدي وتتكلمي

و ١٠ دقائق واجي اشوف اتفقتوا على ايه

فاهمه!

نيرة سكتت وراحت قعدت على الكرسي الي

قدامه وهي ساكته وباصه في الأرض وبتحرك

رجلها بعصبيه شديدة ومخنوقه وعائزه

تعيط... يتبع

واصل قراءة الجزء التالي

part7

سيف بص لها بعصبيه: هتقعدي وتتكلمي

و ١٠ دقائق واجي اشوف اتفقتوا على ايه

فاهمه!

نيرة سكتت وراحت قعدت على الكرسي الي  
قدامه وهي ساكته وباصه في الأرض وبتحرك  
رجلها بعصبية شديدة ومخنوقه وعايزه  
تعيط..

عُدي: هو مين

نيرة رفعت راسها وبصت له: هو مين؟

عُدي: يوووه انا هلاقيها منك ولا منه.. هو

مين

نيرة:اقسم بالله ما ناقصه وجع دماغ هو  
موضوع مش مهم اساسا وبعد اذنك اخلص  
حدد الي عايز تحدده وخلص

عُدي:وانا مش هبدا احدد حاجه لغايه ما  
اعرف مين وموضوع مش مهم بالنسبه لك  
مهم بالنسبه ليا هو مين بقى

نيرة: اللهم طولك يا روح مين هو مدرس  
معايا في المدرسه اسمه سالم عمال يلف  
ويدور وانا مدياه الوش الخشب خلاص وقبل  
ما تتصل كان بيستخف دمه بس.. عُدي جز  
على سنانه: والموضوع مش مهم ها!

نيرة بصت له: انت متنرفز ليه؟

عُدي: ابدأ خطبتي بتعاكس وانا المفروض  
ابقى ريلاكس خالص

نيرة سكتت في النهاية هو عنده حق  
عدي اتنهذ جامد: بعيدا عن الموضوع ده..  
اظن شهاب قالك ان خطوبتنا الخميس  
الجاي صح

نيرة: مش موافقه باقي يومين بس

عُدي:بعد اذنك خدي اجازه علشان انا  
حجزت القاعه والمأذون خلاص ومش هرجع  
في كلامي

نيرة:دهه الي همك انك حجزت القاعه والمأذون...  
وال ايه يا خويا وقامت من على الكرسي  
مأذون مين

عُدي :الي هيكتب الكتاب

نيرة: انت اتجننت مستحيل لا مش موافق لا  
يعني لا

عُدي بنبره حاده:مفيش لا انا اتفقت مع  
سيف واختك وخلاص الموضوع خلاص..  
واظن انك وافقتي بنفسك عليا خلاص  
قدامك يومين وتبقي على ذمتي اما  
بالنسبه للفرح ممكن نأجله لآخر السنه.. نيرة



باصه له وعينها دمعت ودخلت جوا على

طول وقفلت باب اوزتها

عُدي نزل راح يكمل شغله بعد ساعتين..

عُدي مضايق انه زعلها ونيرة بتعيط وقافله

الباب

عُدي: اوووف فتح الواتس: "نيرة" استنى

شويه ورجع بعت لها "نيرة".. اتصل على

الموبايل محدر رد عليه اتصل تاني... لا رد

اخر مره واتصل.... نيرة بصوت فيه العياط رد

من غير ما تشوف الرقم: سلام عليكم

عُدي: وعليكم السلام.. نيرة شالت الفون

وبصت على الرقم وعضت شفايفها: نعم

عايز ايه

عُدي: ممكن تبطلني عياط الاول

نيرة: ملكش دعوه

عُدي: لا ليا هتبقى مراتي وانا مش عايز مراتي

تبقى معيطة

نيرة بزعيق: ملكش دعوه وانا مش هتجوز

بالطريقه دي!

عُدي: طيب خلاص اهدي ممكن تنزلي

علشان عايز اتكلم معاكي كلمتين

نيرة: لا

عُدي: هطلع لك انا ومش هيهمني

نيرة: اطلع ووريني هتدخل ازاي وقفلت في

وشه

عُدي طلع وخبط

نور بصت لسيف: مين؟

سيف: ايش عرفني.. ادخلي جوا دخلت نور  
وفتح سيف عُدي! انت قولت لها ايه  
حابسه نفسها ومش راضيه تطلع

عُدي: معلش فين اوضتها

سيف: ايه؟

عُدي: بسرعه بس

سيف: اهي

عُدي خبط على الباب

نيرة: قولت لك مش هفتح يا نورر خلاص

بقى

عُدي: بس انا مش نور يا نيرة

نيرة تنحت...: ازاى ايه

عُدي: افتحي خرينا نتفاهم

نيرة:لا.

عُدي:اخلصي

نيرة:لا لا لا

عُدي:اخلصي يا نيرة بقى

نيرة قامت عدلت طرحتها ولبسها وفتحت  
الباب وبصت له بحده :نعم خير

عُدي :كلمتين بس وهمشي

نيرة بصت لسيف

سيف بصلها بمعنى سيبيه يقول الي عنده

نيرة عدت من جنبه وراحت قعدت في

الصالون وهو وراه وقعد وهو قعد قريب

منها ف بعدت هي : اخلص وقول الي عندك

عُدي: ححك عليا بسبب كلامي الي قولته انا

اسف.. وكده متزعليش انا بس عايزك تبقي

مراتك علشان اخذ راحتى معاكي  
ومتفضليش تقولي لي متعملش  
ومتعملش... نيرة بصت له وتنحت شويه  
بعدين ابتسمت

عُدي: شكلك مش حلو وانت بتعيطي

نيرة: يا سلام

عُدي: اه

نيرة خدت المخده ورمتها عليه

عُدي مسكها: العبي غيرها

نيرة ضحكتك

عُدي: ها بقى يا عروسه مش هتنزلي تجيبي

فستان كتب الكتاب

نيرة سكتت شويه: هنزل مع نور بكرا

عُدي: وانا كيس جوافه؟

نيرة:مش كده بس

عُدي: مبسش دلوقتي يلا قومي

نيرة:لا مينفعش

عُدي: يلا واختك وجوزها معانا يلا اخلصي

في المول دخلوا محلات الفساتين كلها بس  
للاسف كل الفساتين عريانه استمرت مهمه  
البحث ٣ ساعات.. نيرة قعدت وجنبها نور  
على رجلها ياسين وقصادهم سيف وعُدي

نيرة بتعب: ٣ ساعات بنلف ٣ ساعات

عُدي: اههه انا ايه الي رماني على المر

سيف: رميت نفسك فيه وسحبتني معاك

وانا مالي يا عم

نور: بس انت وهو.. انا هروح الحمام معايا  
ياسين وقوموا شوفوا المحل الي هناك ده يلا

دخلوا ونيرة شافت فستان عجبها اوي

عُدي: حلو صح؟

نيرة: احم اه

سيف: ادخلي قيسيه بسرعه انا مبقاش فيا

ذره طاقه

نيرة: حاضرودخلت تقيسه بعد ٥ دقائق

طلعت لقت عُدي بس الي قاعد

نيرة: ا.. امال سيف فين؟

عُدي متنح اصلا ومش مركز معاها..

نيرة: احم احم... وحش؟

عُدي: قمر

نيرة بكسوف: س.. سيف فين؟؟

عُدي: جاله اتصال طلع يرد

نيرة: اها تمام... دخلت تغير الفستان

طلعوا من المحل ومعاهم الفستان

نور: ايه ده لقيتي الفستان!

نيرة: اه

نور: نيرة

نيرة: ايه

نور: اخدي الاجازه من المدرسه

نيرة: احم لا

نور: نعم!!

نيرة: بكرا لسه الاربع وو.. هاخذها اهدي

نور: ايوا كده

سيف: نروح بقى ابوس ركبكم الساعه ١١



نيرة: جوزك بيموت جنبك يختي يلا  
عُدي: يلا... ننسى النهار بهمه وغمه ونركز مع  
الليل و القمر وجماله وهدوء

الساعة ١٠ الصبح

تصحى على صوت الموبايل بتاعها بيرن  
فتحت عين وعين وبصت على الاسم  
وقفلت عينها بعدين فتحتها تاني (ابرد ما  
خلق ربنا)

نيرة فتحت المكالمة: سلام عليكم..

عُدي: وعليكم السلام... شكلي صحيتك

نيرة: لا عادي.. انا اصلا كان لازم اقوم علشان

المدرس... احيه انا مقولتش للمديره

عُدي: اهدي اهدي انا روحت واخذت لك

الاذن وكلمتها خلاص

نيرة: بجدا!

عُدي: ايوا اصل اتصلت عليكي وردت نور  
وقالت انك نايمة وكده ف قولت حرام  
اصحيكي ف سبتك نايمة ودلوقتي اتصلت  
علشان اطمن عليكي مكنتش اعرف انك  
نايمه.. حقك عليا

نيرة: لا لا عادي... ووشكرا

عُدي: عفوا..

نيرة: عن اذنك بقى هروح اشوف الي ورايا

عُدي: تمام سلام

نيرة: سلام وقفلت طول اليوم العائلتين  
مشغولين القاعه الفستان البدله المأذون  
المعازيم بلا بلا بلاا الى اخره.. طبعا اتهد  
حيلهم كلهم

عود: كان لازم الخميس يعني كتك القرف

ااه يا رجلي اه

سنان:منك لله يا عُدي يا ابن عمو عبد

الرحمن

عُدي: قوم ياض من هنا غور روح بيتك يلا

سنان:ماشي ماشي كل الصحاب بقوا

غدارين

عُدي مسك الشبشب: هتطلع ولا اخليهم

غدارين بجد

سنان قام بسرعه:لا ياعم بهزر اللهسلام يا

عتريس وقفل الباب

عودضحكت

عُدي:قومي يلا ننام علشان نفوق لبكرا

عود:تمام تصبح على خير

الساعة ١١ الصبح

نيرة: صباح نور حرام عليك مصحياي ١١ ليه

كتب الكتاب ٧ ليل

راما: لازم تجهزي

نيرة: مهو هلق مالكم

نور: اسكتي

نيرة: حاضر

نور بتعمل شعر نيرة وراما بتحط لها ماسك

على وشها

فون نيرة رن بصت راما على الاسم

راما: ابرد ما خلق ربنا؟؟ مين ده

نيرة: ايه! خدت الفون وردت السلام عليكم

عُدي: وعليكم السلام.. صاحيه بدري

نيرة: مش بمزاجي

عُدي ضحك طيب انزلي علشان عايز اديكي

حاجه كده

نيرة: لا لا مش هينفع

عُدي: ليه؟

نيرة: كده توقيتك غلط اتصل على سيف او

شهاب

عُدي: تمام سلام

نيرة: سلام

راما: مين؟

نيرة: هيكون مين عُدي

راما: وحد يسمي خطيبه كده

نور: معندكيش دم والله

نيرة:عارفه

خلص النهار كل واحد مشغول بحاجه

الساعه ٥ ونص الكل جاهز

راحوا القاعه

عُدي ايه الجمال ده

نيرة بصت في الأرض : شكرا..

سنان: يلا يا خويا علشان المأذون

عُدي: يلا يا يارد يلا

كتبوا الكتاب وطلعوا علشان يتصوروا

خلصوا

عُدي:احم بعد اذنك يا شهاب هخطف

الحلوه دي وارجعها بعدين او مرجعهاش

براحتي

شهاب:من غير ما تستأذن خدها

نيرة:اه يا غدار هو انا كيس شيبسي

عُدي:لا مراتي يلا قدامي

نيرة وشها احمر:اسلم عليهم الاول

وصلت عند نور لقتها بتعيط

نيرة:ليه بس لسه لسه ياروحي هي ساعتين

وراجعه لك متعيطيش

نور:انا فرحانه علشان اتجوزتي

نيرة:بطلي عياط طيب وهاتي ياسين ابوسه

ياتي ياناس شايف امك الشريره دي وابوك

الرخم والله انت خساره فيهم

سيف: اممم بنخبط في الحلل

نور وهي بتمسح دموعها روعي يلا  
متسيبيش الواد واقف زي الفاذا كده  
عود حضنت عُدي :مبروك يا حبيبي

عُدي:عقبالك يا مزتي

سنان: الحمد لله انام بقى انام

عود:لا تنام مين انت هتخرجني يلا

سنان:غوري يابت ال اخرجك ال

عود:يلا يلا يلا يلا يلا يلا يلا

سنان:خلاص امشي قدامي... تصبحوا على

خير يا جماعه

كلهم:وانت من اهله

عُدي :يلا؟؟

نيرة:احم.. يلا



ركبوا العربيه واول ما ركبوا عدي رجع ايده  
على ورا وجاب عليه حمرا واداها لنيرة الي  
كانت مكسوفه جدا

نيرة: ايه دي

عُدي:دي الحاجه الي كنت عايز اديها لكي  
بس قولتي مش هينفع دلوقتي... شوفها

نيرة فتحت العلبه لقت شكولاته

كتيرر:عرفت منين اني بحب الشكولاته

عُدي:مصادري الخاصه بعدين العلبه فيها

حاجه ثانيه دوري كويس

نيرة شالت شكولاته لقت روايه :ااا.. كده كتير

بجد شكرا اوي شكرا كتير

عُدي:اي خدمه

نيرة ابتسمت

عدي قرب ومسك اديها

نيرة سحبتها بسرعه عدي بص لها

بستغراب: ايه؟

نيرة: انا اسفه بس مش متعوده عليك

وكده

عُدي :اممم مش مشكلة هتتعودي ومسك

اديها وباسها

نيرة وشها احمر خالص : احم هنروح ولا

هنبات في العربيه ولا ايه؟

عُدي:تؤ هنروح عند حد بتحببه اوي

نيرة:مين

عُدي: هتعرفي في الاخر

نيرة: اوك يتبع.. تفتكروا هيروحووا فين؟!

واصل قراءة الجزء التالي

part8

بسم الله الرحمن الرحيم

بعد نص ساعه وقفت العربية عن البحر

نيرة بصت لُعدي : لا كده كتير بجد شكرا

عُدي : مش كتير ولا حاجه بعدين مش عايضة

اسمع كلمه شكرا دي مره تانيه تمام؟

نيرة ابتسمت: تمام.. نزلوا من العربيه وراحوا

وقفوا قدام البحر ونيرة فرحانه جداا

عُدي: مبسوطه؟

نيرة: جدا شكرا بجد

عُدي:تاني؟

نيرة:ضحكت :معلش بس لسه متعودتش

عليك

عُدي:طيب قرب منها وخط ايده على اديها

نيرة بصت له وابتسمت فضلوا كده شويه

عُدي: نيرة..

نيرة: بصت له وضحكت : ايه؟

عُدي:بتضحكي على ايه؟

نيرة: اصل محدش بيقولي نيرة فجأه كده الا

ورراه مصيبة فمتقوليش نيرة مره واحده كده

عُدي ضحك طيب.. ممكن بقى تتكلمي عن

نفسك شويه لاني معرفش اي حاجه عنك

حرفيا غير اسمك

نيرة:اممم اسمي نيرة عندي ٢٥سنه مدرسة

دين في مدرسه\*\*\*\* عندي اخت واحده الي

هي نور وزى ما عرفت انها متجوز وعائشه

برا مع سيف وابنهم يبقى ياسين معنديش

اي صحاب حرفيا... بحب الروايات والورد  
والكتب والشكولاته وبرسم.. وبس

عُدي: امممم انا بقى يا ستي عُدي عندي  
٢٧ سنه صاحب مكاتب العود. وعود تبقى  
اختي وسنان يبقى صاحبي أو بمعنى اصح  
اخويا

نيرة: ربنا يخليكم لبعض

عُدي: ويخليكي ليا

نيرة وشها بقى احمر : احمر

عُدي: امال شهاب يقرب لك ايه

نيرة:ابن خالتي

عُدي: وسيف؟

نيرة: ابن عمي وجوز اختي

عُدي: امممم نيرة كان في سؤال في بالي كده

نيرة: اسأل..

عُدي: فاكراه لما خرجنا وكنا عند البحر انا  
وانتي وعود وسانان

نيرة: اها

عُدي: بعد ما اديتي البنت دي فلوس  
سرحتي في البحر بعدين عيطتي

نيرة: امم

عُدي: ليه عيطتي

نيرة بتدمع : ابدأ اصل افكرت نور كانت لسه  
مجتش وافكرت البنت دي اصل بابا الله  
يرحمه كان كل مايشوفها يسلم عليها ويديها  
الي فيه النصيب وبدات تدمع

عُدِّي:الله يرحمه... لا لا بالله عليكى ما  
تعيطي علشان خاطري انا اسف اني سالت  
السؤال ده

نيرة ابتسمت: لا عادي فضلوا واقفين قدام  
البحر وهما مشبكين اديهم فجأه لقي راس  
نيرة اتحط على كتفه ابتسم

عُدِّي: تعالي ناكل لاني جعان اوي

نيرة:يلا

روحوا كلوا ورجعوا وقفوا قدام عمارتها

عُدِّي:تعرفي ان ده من احلى ايام حياتي

نيرة:اتبسطت اوووي

عُدِّي قرب علشان يبوسها

نيرة: ايبويه وبعدت عنه

عُدي: لا مهو مش هينفع انا جوزك يا بت

اتهدي

نيرة:اه صح .....بردو لا وسع

عُدي:ايه الرخامه دي

نيرة فتحت الباب:هو كده وقربت منه

وباسته في خده سلام ونزلت جري وهو متنح

طلعت فوق طبعا فرقه الاستخبارات كانوا

قاعدين لها فوق

دخلت نيرة تنام وترتاح بعد اليوم الغريب ده

فتحت الفون وجابت رقم عُدي(ابرد ما خلق

ربنا) غيرته ل(حبيبي) وقفلت الفون وكانت

هتنام جت رساله

فتحت لقتها من عُدي

عدي: مش هعديها ليكي



نيرة ضحكت ماشي

عدي: اضحكي اضحكي

نيرة لقيت فرقه الاستخبارات عندك؟؟

عدي: اه

نيرة: نفسها عندي

عدي: عادي

نيرة: هروح انام انا بقى تصبح على خير

عدي: وانت من اهله

وكل واحد قفل موبايله وضحك وناموا

على الفجر صحيت نيرة علشان تصلي.

راحت اتصلت على عدي مره واتنين وثلاثه

واربعه في المره الخامسه رد

عدي بصوت نايم: نعم..

نيرة كاتمه ضحكتها : قوم صلي الفجر يا عدي

عُدي انتبه على صوتها :نيرة!

نيرة: ايه في ايه

عُدي: لا بس اصلك يعني متصل في وقت

زي ده في حاجه؟

نيرة : لا ابدا بس بصحيك تصلي الفجر

عُدي: بتهزري صح ما انا اقدر اصلها صباح

يا نيرة

نيرة: وتسيب الاحسن ليه يعني كل ده

علشان نومك

عُدي:.... طيب خلاص حقك عليا.

نيرة: طيب قوم صلي بقى

عُدي: حاضر قايم اهو سلام..

نيرة: سلام

صلوا وناموا... الساعة ٦ ونص

نور: استني بس افطري كويس

نيرة باستها: مش مشكله بعدين اهم حاجه

الحق المدرسة سلام

ونزلت على السلم وهي ماسكه الموبايل

وخرجت من باب العمارة وكانت ماشيه على

الرصيف لقت ايد بتسحبها

نيرة: ايه في ايه وبصت.. عُدي؟!

عُدي: اه يختي عُدي مالك؟

نيرة: مليش بس اتخضيت علشان سحبتني..

عُدي: طب صباح الخير

نيرة : صباح النور

عُدي: طيب قدامي يلا

نيرة: قدامك فين؟

عُدي وهو بيسحبها معاه للعربية: من  
النهارده انا هوديكي واجيبك من المدرسه يلا

نيرة: بس هعطلك..

عُدي: وانت مالك؟ انا عايز اتعطل عندك  
اعتراض؟ .. وقفوا قدام العربية اركبي

نيرة: بس..

عُدي: يلا.. مش بحب اعيد كلامي كتير

نيرة: حاضر.. وركبت

عُدي: تتصلي عليا قبل ما تخرجي ب ١٠  
دقايق وانا هاجي متروحيش لوحداك يا نيرة

تمام

نيرة: ما انا كنت بروح وباجي لوحدي يعني

فيها ايه؟

عُدي: فيها اناي مكونتش جوزك يختي

نيرة: انت هتتحكم ولا ايه

عُدي اضايق:مش تحكم... بس مش عايز حد

يضايقك

نيرة حاضر

عُدي: يلا انزلي

نيرة: مع السلامه يا حبيبي ونزلت

عُدي: مع سلا... يا ايه!! وبص على البوابه

كانت دخلت.. قالت حبيبي صح ردوا عليا

قالت حبيبي؟

عند نيرة دخلت وهي بتضحك راحت عند  
مكتبها حطت حاجتها بصت في حصصها  
٦٤٥٣ و٦ ايه الملل ده اوف

فتحت الموبايل بتاعها فتحت الواتس  
عُدي:مش هعدي الكلمة الي اتقالت على  
فكرة

نيرة: كلمة ايه؟

عُدي:يا شيخة؟

نيرة:معرفش بجد

عُدي:هتخلصي امتي؟

نيرة:على ١٢

عُدي:تمام.. احم هو هو الراجل ده اتكلم

معاكي؟

نيرة:راجل مين؟

عُدي: زميلك

نيرة: لا وعنه ما اتكلم طظ فيه

عُدي: ضحك

---

عود: سناااان

سنان: ايه يا عود في ايه!

عود: زهقانه اووووي

سنان: وانا كمان

عود: تيجي نخرج؟

سنان: يا سلام يلا اجهزي

عود: سلام ..... يتبع

واصل قراءة الجزء التالي

part9

بسم الله الرحمن الرحيم

خرجوا راحوا قعدوا في كافيه

سنان: مالك بقى يختي

عود:زهقانه اوي

سنان: طب ما تنزلي يختي

عود: مع مين يا حسره

سنان:معايا يختي ولا كيس جوافه انا

عود: ما انا معاك اهو انت اهيل؟

سنان: بقولك ايه؟

عود:ايه

سنان: عايزه تنبسطي



عود: اها

سنان: يبقى تيجي معايا

عود: فين

سنان: فهتعرفي بعدين يلا

عود: يلا

-----  
عُدي: يعني الحصة أهم مني؟

نيرة: ما تبس بقى لازم اروح هخلص

الحصتين دول واكلمك

عُدي: يعني اد ايه؟

نيرة: ٩٠ دقيقة ان شاء الله سلام

خلصت الحصتين وفتحت الموبايل

نيرة: خلصت. باقي ليا حصة بس

بعد ١٠ دقائق

عدي: اه منك

ولا كلمه طول ما انا فاضي جايه تتكلمي وانا

مشغول

نيرة: حظك.. اذا مشغول اقفل ونتكلم

بعدين

عدي نعم! اقفل ايه ال اقفل ال ملكيش

دعوه ده انا افضى علشانك

نيرة: احم...تمام

عدي: هسالك سؤال؟ جاوبي بصراحه

نيرة: اسال

عدي: فطرتي؟

نيرة: هو ده السؤال خوفتني والله اه فطرت

عدي: فطرتي ايه؟

نيرة: بسكوتة ونسكافيه

عدي: وكده فطرتي؟

نيرة: اه

عدي: والكلام ده من الساعه كام؟

نيرة: اظن قبل ما انزل

عدي: طب اتعدلي وقومي كلي حاجه

نيرة: مش عايزه انا كده تمام

عدي: اسمعي الكلام

نيرة: هاكل بسكوت خلاص متتعصبش

عدي: بسكوت! يارب الصبر من عندك

نيرة: في ايه

عدي :مفيش يختي.. بصي معلش هقفل  
علشان وصلت شحنة كتب ولازم اشوفها  
واوقع عليها تمام

نيرة :مفيش مشاكل لسه عندي وقت كبير  
عدي: قفلوا وعدى اليوم نيرة اتصلت على  
عُدي ٣ مرات وهو مش بيرد... طلعت من  
المدرسه وراحت على مكتبة العود ودخلت

نيرة: فين عُدي؟

\*تقصدي استاذ عُدي

نيرة: المهم فينه

\*في مكتبه تحبي اقوله حاجه

نيرة: لا انا راичه له بنفسي

\*بس الباشا مشغول

نيرة: انا مراته

\*.. احم انا اسف يا هانم

نيرة :لا لا عادي وطلعت فوق خبطت على

الباب

عُدي: ادخل

دخلت نيرة وبصت عليه قاعد مركز مع

الورق حتى مبصش عليها

راحت قعدت قدامه على المكتب وخبطت

باديها : مساء الخير

عُدي بص لها : نيرة!!! جيتي ليه هنا؟ مش انا

قايل لك تتصلي عليا وانا هاجي اخذك ايه

الي طلعتك اوحدك؟ ها ردي

نيرة: مترفعش صوتك لانك الغلطان اتصلت

عليك ٣ مرات وانت مردتش وبعدين

المكتبة قريبه وجيت لك خلاص؟

عُدي: امتي اتصلي موبايلي مرنش

نيرة: معرفش افتح وشوف

قام من على مكتبه وراح للشاحن فتح  
الفون لقي ٣ مكالمات من ( اميرة قلبي )  
والموبايل كان صامت

عُدي: حقك عليا والله مخدتش بالي

نيرة: لا عادي

عُدي هخلص شغل واروحك حالا

نيرة: تمام

---

عود: ملاهي؟.

سنان: هو في احلى من العوده لايام الطفوله  
وسحبها من اديها ورواحوا يلعبوا

عود: انت مجنون والله

سنان: اول مره تعرفي؟

عود: لا

سنان: يبقى خلاص تعالي نلعب قعدوا يلعبوا

وينبسطوا

عود قعدت على الرصيف و فاطسه ضحك

:اه مضحكتش كده من فتره

سنان قعد جنبها: ناكل ايس كريم؟

عود: ماشي

سنان: خليكى عندك وانا هروح راح جاب لها

ايس كريم ورجع امسكي يختي

عود: شكرا

سنان:قولتي ايه؟؟ شكرا شكرا لمين ليا اه  
قلبي قلبي بعد صداقه ٢٠سنه تقولي ليا  
شكرا هنت عليكي

عود:مخلص يا عبله كامل مكنتش كلمه  
اسفين يا صلاح  
سنان:طب يلا..

عود:يلا وقاموا

سنان: اصبري اصبري وادها الايس كريم

عود:ايه؟

سنان نزل وربط لها رباط الجزمة

عود:شكرا

سنان:تاني

عود:لا مهو شكرا بجد



سنان: ماشي

عود: نروح بقى علشان عُدي مينفخنيش

سنان: يلا

---

نور: يعني انت دلوقتي اتاخرتي علشان عُدي

الي جابك

نيرة: اه

نور: وataخرتي علشان كان عنده شغل

فاستنييتي

نيرة: اه

نور بتريقة: لااا مستحيل اتجوزه ودلوقتي

بتطلع قلوب من عنيتها

نيرة: اتلمي بقى

شهاب:هااااي يا شباب

نيرة: شهاب

شهاب:عيون شهاب

نور:كيس جوافه انا

شهاب:روحي لاجوزك برا يلا عايز اتكلم مع

نيرو شوية

نور:اه منكم اه هتشلوني هموت مشلولة

بسببكم يارب صربرني قالت الكلام ده وهي

بتطلع من الاوضه

شهاب قعد على السرير جنبها: اشوف

الحلوه مبسوطه

نيرة: انتوا في ايه كلكوا عليا ولا ايه

شهاب: الله يهني سعيد بسعيده يختي

نيرة: اه يا بارد

الموبايل رن بصت عليه وردت.

نيرة: وعليكم السلام

عدي :ايه يا حبيبتي فينك

نيرة : قاعده مع شهاب

عدي: اممم نور معاكم

نيرة :لا قاعده برا مع سيف

شهاب باصص لها بستغراب ونور بتشاور له

يسكت

عدي :اممم وقاعدين لوحدكوا على اساس

ايه!

شهاب :على اساس انه ابن خالتي وكاتمه

ضحكتها وشهاب فهم هي بتعمل ايه

عدي :يا سلام! ابن خالتك مش محرم ليكي  
وانت قاعده معاه عادي ولكن انا قبل ما  
نتجوز لا!

نيرة :مهو ابن خالتي

- اقفلي يا نيرة اقفلي سلام وقفل

شهاب فطس ضحك ونيرة: حرام عليك يا  
بت روعي صالحيه قبل ما يقتلني

نيرة: حاضر وقامت طلعت في البلكونه  
واتصلت عليه مردش اول وتاني مره ثالث  
مرة

عدي :نعم

نيرة :في ايه اهدى بس

عدي: انا هادي خالص

نيرة: هفهمك طيب

عدي: مش عايز افهم روعي كملي كلام معاه

يلا -

نيرة: طب بص بس افهمني بعدين اتعصب

عدي:ها

نيرة:شهاب يبقى اخويا في الرضاعة

عدي:نعم!!

نيرة:زي ما قولت لك مهو انا اكيد مش

هقعد اهزر معاه واقعد قدامه من غير طرحه

واتكلم معاه عادي كنت اكيد هعامله زي

سيف بس شهاب اخويا ف عادي

عدي:اخوكي ف عادي ماشي ماشي وربنا

لاوريكي بكرة الصبح

نيرة : مخلص بقى يا دودو والله ما تزعلي

يابيضه حقاك عليا

عدي: بيضه في عينك يا بارده ودودو دي بكرا

هحاسبك عليها

نيرة: خلاص طيب متزعلش

عدي: مش زعلان يلا روجي نامي علشان

المدرسة

نيرة: لو سمحت احترم نفسك انا مدرسه

مش طالبه متقوليش نامي بدري

عدي: فرقت يعني

نيرة: جزمه جزمه يعني

عدي: طب انا هنام ياقلبي لاني شبه مش

شايف قدامي وانت متسهريش كتير

نيرة: حاضر تصبح على خير

عدي: وانت من اهله يا روجي

قعدت شويه مع شهاب وبعدين نامت وحل

هدوء الليل .

واصل قراءة الجزء التالي

part10

بسم الله الرحمن الرحيم

جينا للصباح المشرق

نزلت نيرة وركبت عربيه عُدي قفلت الباب:

صباح الخير

عُدي: صباح النور..

نيرة ابتسامتها راحت : مالك؟

عُدي: على اساس مش عارفه

نيرة مسكت خدوده: خلاص بقى يا عدي الله

كنت بهزر معاك متزعلش بقى

عُدي: موافق بس بشرط

نيرة: ايه

عُدي: نخرج بليل

نيرة: تمام

دور العربيه ومشيووا

وقف قدام المدرسه نيرة فتحت الباب ونزلت

عُدي: سلام

نيرة: باي

-----

دخل المستشفى وراح لاوضة عود خبط

عود: ادخل يا سنان متستهيلش



-انا مش سنان

عود:محمود! وقامت من على المكتب نعم

عايز ايه اطلع برا يلا

محمود:اسمعي بس

عود: ولا كلللممه برررر!!!!

محمود: اصبري بس انا عرفت غلطي

وعرفت اني ضيعتك من ايدي انا اسف بس

كنت عايز ابعده علشان احدد مشاعري

عود: مهو واضح كل ده بتحدد مشاعرك

شهر واكثر بقولك ايه هو الهبل ده مش عليا

انا مش طفله يلا برا برا وزقته

سنان: في ايه؟ محمود! بتعمل ايه هنا؟ اطلع

برا

محمود: والله جي إصالحها

سنان: في احلامك يلا برا

محمود: وانت مالك

سنان بهدوء : اصل انا خطيبها متعرفش كده  
ولا ايه شكلي نسيت اقولك وقولت لك اهو  
يلا برا

محمود: خطيبها!

سنان: اها وراح مسك ايد عود يلا برا

محمود: ماشي ماشي يا عود براحتك وطلع

عود بعدت عن سنان: انت ايه الي خلاك

تقول كدا

سنان : علشان مي فكرش يرجع مره تانيه يا

عود... وبعدين كلامي هيبقى حقيقه قريب

قالها وهو طالع من المكتب

عود: نعم! يعني ايه؟ استنى يا سنان  
وطلعت تجري وراه

---

نيرة خلصت حصصها كانت قاعده بتسمع  
محاضره عن التفاؤل بس مش مركزه معاها  
دماغها في عالم تاني قامت فتحت الموبايل  
واتصلت على عُدي

عُدي:القمر بيتصل ليه

نيرة ضحكت: خلصت حصصي يا خفيف  
عُدي:حاضر ربع ساعه واجيلك معلش

نيرة: لا عادي

عُدي: سلام

نيرة: مع السلامة

---

عود دخلت مكتب سنان وراه : يعني ايه الي

قولته فهمني

سنان: والله كلامي واضح يا عود في ايه

عود:لا معلش انا غبيه فهمني

سنان اتنهذ: عود انا بحبك... وعاييز اتجوزك

وهكلم عُدِي واخطبك منه..

عود تنحت

سنان:ايه؟

عود على نفس وضعها بترمش وبتبص له

بصدمة

سنان: مش موافقه؟ ...خلاص انسي الي

قولته

عود: نعم انسى ايه انت قولت بتحبي

وهتتتجوزني صح؟

سنان: اه

عود: تعرف انا مستنيه بقالي اد ايه هيبويه  
لازم اكلم عُدي وطلعت جري

سنان: قصدها ايه ب مستنيه هو احنا ليه  
بنتكلم ب الغاز ايه اصله ده؟

---

نور: قعدت تعيط وعملت مناخه ولا ومش لا  
ومستحيل وفي النهايه طايره معاه ربنا  
يخليهم لبعض ♥ □

راما ضحكت: عادي عادي نفس البوق كنت  
بقوله على الاخ ده

شهاب: بالضبط وفي النهايه اتجوزتها بردو  
سيف: والله نور متعبتنيش قولت لها بحبك  
قالت وانا كمان هنتجوز قالت موافقه

هنسافر اينعم اخدنا وقت في الاقناع بس

ضبط الموضوع بردو انا مسيطر

نور:طب قوم يا مسيطر جيب ياسين

سيف:حاضر.

دخلت نيرة:سلام عليكم يا جماعه

كلهم: وعليكم السلام

نيرة:اه بما انكم قاعدين كده يبقى في غيبه

ونيميه وذكريات الماضي

نور:لا بس كنا بنغتابك يا روجي

نيرة:صريحه مفيش كلام

راما:جايه مع عُدي برضو

نيرة قعدت جنب شهاب وبصت له:بالضبط

شهاب بص لها وفطسوا ضحك

سيف: مالهم دول؟

راما: انتوا ملبوسين؟

شهاب هو لسه بيضحك: لا... بس افكرنا

حاجه كده مش مهم

نيرة: ايوا مش مهم

نوراه اتفق الاتنين يبقى الكره الارضيه

اتدمرت عاملين زي بينكي وبرين

شهاب: تشبيهات اختك تودي الواحد في

داهيه

نيرة: اه

(قعدوا وكملوا القعه العائليه اللطيفه دي)

-----

عُدي: يعني ايه؟

سنان:الكلام واضح في ايه انا بحب عود وجي

اخطبها منك يا عُدي

عُدي :بتحب عود وده من امتي؟؟

سنان:مش هتصدقني لو قولت لك من

زمان اوي بس هي كانت بتحب محمود وانا

مقدرتش اقولها لاني عايزاها مبسوطه

ضيعتها مره لكن مش هضيعها تاني تمام..

وانا بحبها والله يا عُدي ومش هزعلها ومش

هجرحها صدقني..

عُدي:من غير ما تقول يا صاحبي مبروكيس

اياك تزعلها والله يا سنان هنفخك انت

عارف ان عود اغلى حاجه بالنسبه ليا فاهم

دي اختي الانسانه الوحيده الي فضلت جنبي

من وانا صغير ليومك ده الي حلفت اني

هزعل كل الي يزعلها سميت المكاتب



بتاعتي كلها بأسمها مش عايز اشوف  
دموعها... عايز اشوف ضحكتها الحلوة تاني

سنان: وانا مستحيل ازعلها

عُدي:يبقى مبروك

على الساعه ٧ بليل

عُدي:بتعملي ايه

نيرة:بقراً في الرواية الي جبتها

عُدي:اممم وعجبتك

نيرة:جددا

عُدي:طبعاً ذوقي

نيرة:محسسنني انك المؤلفة

عُدي:طب مش كان في بينا اتفاق كده

نيرة: اتفا... احيه والله نسيت معلش هقوم  
البس دلوقتي متزعلش ماشي سلام بصت  
على الموبايل لفته بيرن فقفلت عليه  
ونزلت

نيرة: سلام عليكم

عُدي: وعليكم السلام

نيرة: اتاخرت؟

عُدي: ابدأ يا حبيبتى

نيرة اتكسفت ووشها بقى احمر

عُدي: احمر نروح فين؟

نيرة: براحتك

عُدي: البحر؟

نيرة: ياريت

عُدي: يلا بينا

قاعدين جنب بعض على السور قدام البحر

عدي: نيرة..

نيرة: نعم

عدي: تحبيني؟

نيرة: ايه شغل الساعة ١٢ ده

عدي: تصدقي انك بارده

نيرة: عارفه

مسك اديها وباسهانيرة ضربت ضربه خفيفه

وضحكت

عُدي: ايه

نيرة: احترم نفسك

عُدي: عملت ايه؟

نيرة ضحكت فضلوا يضحكوا ويهزروا

ويتكلموا احد ما بقت الساعة ١٠

نيرة: يلا نروح في مدرسه الصبح

عُدي: يادي المدرسه يلا يا ابله قدامي

صباح الخير رجعت اكلم نفسي تاني... لا

عادي فرحانه اوي معرفش ليه بس فرحانه

هروح البس بسرعه وانزل يلا سلام

ونفس الروتين... بس

الساعة ١١ الصبح كانت نيرة عندها حصه

فجاه موبايلها بيرن راحت شافت الاسم(نور

عيني) قفلت يرن وتقفل لحد ما الموضوع

زاد اخدت الموبايل وطلعت برا وردت

نيرة: في ايه يا نور

نور: الحقي يا نيرة شهاب عمل حادثه وكلنا  
في المستشفى

نيرة: نعمم!! انت بتقولي ايه... طيب أي  
مستشفى

نور:\*\*\*\*

نيرة: ربع ساعه وابقى قدامك وقفلت  
دخلت اخدت حاجتها من الفصل وطلعت  
جري تحت استغراب الطلاب طبعاً شالت  
حاجتها بسرعه ونزلت وقفت تاكسي وراحت  
على المستشفى سألت الاستقبال ووصلت  
لغرفه العمليات لقت نور حاضنه ياسين  
وراما بتعيط وسيف واقف جنب نور وفيروز  
بتعيط... نيرة راحت قعدت جنب نور وساكنه  
خالص... الوقت بيعدي.. الثانيه كأنها دقيقه  
والدقيقه كأنها ساعه والساعه كأنها يوم..

يارب هون... الجملة الي كانت بتقولها نيرة كل

شويه

بعد ساعتين طلع الدكتور

سيف:ها يا دكتور

وراما واقفه ورا سيف مستنية على احمر من

الجمر

.....يتبع

واصل قراءة الجزء التالي

part11

بسم الله الرحمن الرحيم

سيف:ها يا دكتور

-متخافوش هو كويس هو بس كسر في ذراع

وكام جرح خيطناهم ووضعه تمام جدا يعني

ممکن بیات بس اللیلة دی فی المستشفی  
وبکرا یروح عادی بس انتبهوا علی ذراعہ.

سیف: شکرا یا دکتور عادی ندخل له

-اہ عادی جدا هو فی اوضه ۳۰۰

راما طلعت جری ہی ونیره ونور وسیف  
وفیروز وراهم

فتح عینہ لقی نفسہ فی مکان غریب  
حاسس بوجع رهیبص حوالیہ استغرب هو  
لیہ فی المستشفی ایہ الی حصل فجأہ الباب  
اتفتح ودخلت راماواترمت فی حضنہ

راما: کده تخضنی علیک ینفع کده یا شهاب

شهاب حط ایده علی راسها: هو بمزاجی  
یعنی... لقی نیره قعدت جنبہ

نيرة: انت كويس فيك حاجة فيه حاجة

بتوجعك ردعليا

شهاب: في ايه انا كويس والله اهدوا

فيروز: ابني يا حبيب امك وحضنته

شهاب: يا جماعه في ايه انا كويس الله اهدوا

بقي بطلوا عياط

سيف: خضتنا عليك يا عم

نور: مش تاخذ بالك وانت بتعدي

شهاب: مخلص بقى قضاء وقدر مقدرش

اعمل حاجة

راما: ط.. طب انت كويس؟

شهاب: وربنا اه بطلي عياط بقى

سيف: خلاص اهدوا يا جماعه



شهاب:هات ياسين شويه

نيرة: وربنا انت رايق... انا راичه اجيب قهوه

حد عايز

نور: لا خليكى هروح انا وسيف وانت خليكى

يلا ياسيف

نيرة: طيب وقعدت تاني فتحت شنطتها

طلعت الموبايل

لقت ٢٥ مكالمة فائتة (حبيبي) ٥ مكالمة

فائتة(المديرة)

نيرة: احيه!!!

شهاب: في ايه؟

نيرة: مفيش مفيش وقامت طلعت برا

واتصلت على عُدِي

عُدي رد بسرعه وراح مزعق: انت فين لحد

دلوقتي!!!

نيرة: اهدى بس

عُدي: لا اهدى ولا بتاع انت فين اخلصي في

البيت؟

نيرة: ل.. لا.. انت في المستشفى

عُدي: نعم! ليه انت كويسه حصلك حاجه؟

نيرة: انا كويسه بس شهاب خبطته عربيه

وجينا على المستشفى وانا عرفت الخبر وانا

في المدرسه وطلعت من الحصه من غير ما

اكلم المديره حتى ونسييت اكلمك بزعل..

بس هو كويس محصلوش حاجات قويه

الحمد لله بس كسر وشويه جروح... وانا

دلوقتي طلعت الموبايل من الشنطة

ومخدتش بالي من المكالمات. معلش  
علشان قلقتك...

نور: نيرة.. قهوتك

نيرة لفت لها وخذتها من اديها

نور بصوت واطي: مالك؟

نيرة بتشاور لها بمعنى بعدين هقولك

نور: تمام ودخلت جوا

عُدي.. طب انتوا في مستشفى...

نيرة:\*\*\*

عُدي: تمام انا في السكة

قفلت نيرة معاه واتصلت على المديرية

وشرحت لها الوضع والمديرية تفهمت

قفلت الموبايل اتنهدت جامد وشربت بوق  
من القهوة ولفت وشها علشان تدخل لقت  
عُدي في وشها

عُدي اول ما شافها حضنها

نيرة بتبعده: عُدي احنا في المستشفى

عُدي بنيرة عصبية: اسكتي خالص لا تقولي  
لي مستشفى ولا مكان عام انا قلبي وقع في  
رجلي بقالي ٤ ساعات بدور عليكي خوفتيني  
اوي

نيرة: احم... حقك عليا بس مخدمش بالي..

عُدي بعد عنها: امال الباقي فين؟

نيرة: جوا..

عُدي: خلاص متزعليش حقك عليا بس بجد  
اتعصبت وخوفت اوي

نيرة ابتسمت: عادي يلا ودخلوا

شهاب: انت طلعتي لوحدي دخلتي معاكي

جوزك

نيرة ضحكت

عُدي: الف سلامه والله لسه عارف من نيرة

منشويه..

شهاب: يا عم عادي هما الي اوفر مهو انا زي

القردهو

نيرة: تعرف انك بارد اصلا احنا غلطانين

شهاب: بس ياوزعه انت

نيرة: ده شكل واحد عيان وطالع من حادثه

وذراعه متجبس

شهاب: خمسة في عينك الله اكبر في ايه

ياسين : ماما

نور: ايه!

ياسين: ماما

شهاب: بيقولك ماما

سيف: ششششش انت خالص

نور شالت ياسين: يختي قال ماما

سيف: طب مفيش بابا؟

ياسين بص له وتف عليه

نور ضحكت: وصلك الرد

راما: بيحبك اووي

شهاب: وعاييزني اخلف علشان ابني يعمل

فيا كده

فيروز: ما انت عملت كده في ابوك عادي

سيف: هي وراثه في العيلة؟

كلهم بيضحكوا ويهزروا بس هو سرحان في  
مراته الجميلة الي واقفه جنبه دي هي  
انتبهت عليه وبصت له وقالت بهمس : فيه  
ايه

عُدي بنفس الهمس : انت حلوه اوي  
نيرة اتكسفت: طب اتلم وبص هناك شهاب  
هناك مش في وشي

عُدي حط ايده على كتفها :براحتي انا عيني  
مرتاحة هنا

نيرة: خلاص

عُدي: قولت ايه انا

نيرة: عدي!! خلاص

شهاب: اصبروا انتوا بقى ب ابنكم ده بصوا  
هناك كده

كلهم بصوا لَعْدِي ونيرة

عُدي انتبه لهم: في ايه يا جماعه؟

شهاب : ابدا بشوف قصه حياه روميو

وجوليت

عُدي: وانت مالك انت مراتي وانا حر

شهاب: لا لو عايز تعاكسها اطلعوا برامش

قدام الناس كلها يلا

نيرة: حدفت على شهاب علبة مناديل: بارد

وطلعت برا عُدي طلع وراها

عُدي: مكسوفه

نيرة : بس بقى

عُدي:مكسوفه ليه؟ها

نيرة: وربنا هسيبك وامشي



عُدي:لا لا تعالي هنا قعدوا يتكلموا شويه مع  
بعض بس نيرة كانت مرهقه جدا غير كده  
هي مأكلتش حاجه من الصبح  
عُدي باصص لها ومركز:نيرة..

نيرة:همم

عُدي: قومي نروح

نيرة: بس شها..

عُدي:سيف ونور وطنط وراما كلهم جوا  
قومي يلانت شكلك مرهق جدا ومن  
الواضح ليا انك مأكلتيش حاجه من الصبح  
صح؟

نيرة: سقف المستشفى حلو

عُدي:هخبط دماغك فيه حالا... انا مش قايل  
غلطكده ولازم تاكلي قولت ولا مقولتتش...

حسابك معايا بعدين علشان انا عارف انك  
تعبانه دلوقتي قومي يلا هاتي شنطتك  
دخلوا سلمت عليهم واخذت شنطتها  
وطلعوا

نيرة:مممكن تروح عند البحر...

عُدي:بس انت..

نيرة:لو سمحت

عُدي:حاضر

راحوا عند البحر كانت الساعة ٦ المغرب

وقت الغروب

وقفوا قدام البحر

عُدي:انت كويسة ؟

نيرة هزت رأسها بمعنى اه

عدى خمس دقائق صمت

عُدي: نيرة متاكدة انك كويسة؟

نيرة بصت له.. وفجأه داخت ومسكت في

قميص عُدي

عُدي: نيرة... نيرة انت كويسة راح شايلها

وحطها في العربية وقفل الباب وركب واتصل

على سيف

سيف: ايه لحق او حش... نعم!!! ايه ازاي هي

معاك... طب انت فين... لا لا تعالى البيت انا

نور موجودين... وقفل

نور: في ايه... يتبع

واصل قراءة الجزء التالي

The End

بسم الله الرحمن الرحيم

نور: في ايه

سيف: بيقولى كانوا عند البحر وفجأه نيرة  
داخت

نور: ايبويه!!!

سيف: شششششش هتصح.. سمعوا صوت  
عياط ياسين

نور: ياربي

باب خبط راح سيف فتح الباب بسرعه لقى  
عُدي شايل نيرة وسع له وحطها على  
الكرسي وبص لها ومسك وشها بين اديه  
عُدي: نيرة انت سمعاني وشيفاني صح

هزت راسها

سيف جاب لها ميه عُدي مسكها وشربها



عود بتكلم نفسها : اخخ تعبت النهاردة جدا

سنان:سلامتك

عود صرخت:ايه يا سنان خضتني

سنان قفل الباب وراح قعد قدامها:انت الي

جبانه انا مالي

عود:طيب يا خفيف وسع

سنان:تعالى بس...وسحبها من اديها

وحشتيني

عود:طيب

سنان :غوري يا عود

عود: طب على فكرة انت وحشتني بس

اضرب دماغك في الحيطه بقى

سنان:باردة

عود: سنان..

سنان: ايه؟

عود: مش غريبه ان عُدي مختفي النهارده؟

سنان: اه.. بس تلاقيه مشغول مع نيرة ولا

عنده شعل كتير

عود: يمكن... يلا روحني

سنان: اتفضلي ارتمي بجسمة على

السريز: اخيرا خلص اليوم متعب جدا...

صباح جديد

صباح الفل قالتها نيرة وهي بتركب العربية

عُدي: فطرتي؟

نيرة: اه

عُدي: نيرة

نيرة:وربنا اه نور مسابتنيش الا لما فطرت

عُدي: احسن واعملي حسابك كل ساعتين

تاكلب حاجه وهتصل اتاكد

نيرة : ماشي

..

شهاب:عايز اطلع من هنا

راما: لا

شهاب: يلا يا رورو روعي كلمي الدكتور خليه

يطلعني انتوا بتكبتوا حرיתי

راما:لا برضو

شهاب: يلا يا بت

راما:لا لا لا لا ولا



الباب خبط ودخل سنان وهو باصص في  
الورقه بعدين رفع راسه لقي شهاب  
شهاب:مش حضرتك بردو قريب عُدي

سنان: شهاب صح؟

شهاب:اها

سنان بضحك : ايه الي عمل فيك كده  
ولسوء حظك وقعت تحت ايدي

شهاب: الله يستر

راما: طب يرضيك انه عايز يروح دلوقتي

سنان:يروح مين لسه مطول معانا يا حبيبي

ال تروح ال

شهاب:اييه كلكوا عليا ولا ايه

عود دخلت :

سنان.. ايه ده راما!! شهاب بتعملوا ايه هنا  
شهاب: بتفسح ايه السؤال ده واحد ايده  
مربوطة في رقبته ومنتيل علي السرير في  
المستشفى والدكتور مش عايز يروحه البيت  
هيبقى بيعمل ايه شوبينج مثلا

سنان فطس عليه ضحك

عود: بارد اووي علشان كده بقي عُدي كان  
مختفي امبارح والممرضة بتقولي شافته  
طلع الموضوع كده الف سلامه عليك هروح  
انا بقى اشوف المرضى سنان لما تخلص  
تعال

سنان: ماشي

شهاب بصوت واطي لراما: كلهم قاعدين  
بيحبوا في بعض وانا قاعد مع الجبس

راما بتضحك

شهاب: اضحكي اضحكي

-----بعد فترة-----

سيف: لازم نرجع يا نور الاجازه خلصت.. احنا  
لازم نرجع اخر الاسبوع

نور:طيب... . وتمر الايام و شهاب خرج من  
المستشفى ونيرة بتقرب اكثر لُعدي و سنان  
خطب عود يوم سفر نور طبعا نيرة اشتغلت  
نافورة يومها.. عياط متواصل اختها وروحها  
هتمشي تاني.. هترجع وحيده تاني.. البيت  
هيبقى كئيب تاني... وصلوهم المطار وُعدي  
روح نيرة

نيرة دخلت البيت مضايقه جدا وطلبت من  
المديرة اجازه يومين....

عُدي:يعني ايه مأكلتيش نيرة انزلي لي حالا

نيرة:مش عايزه انزل يا عُدي بعد اذنك  
سيبني في حالي

عُدي :اقسم بالله لما ما نزلتي هطلع انا  
مجنون واعملها

نيرة:اعمل الي تعمله.. عُدي:قف الموبايل  
ونزل من العربيه وطلع خبط على باب  
الشقه

نيرة:فتحت الباب وبصت له كانت عنيتها  
وارمه من العياط

عُدي خدها في حضنه ومسح على شعرها  
:خلاص اهدي ودخل

عُدي:يا بت اهدي خلاص

نيرة:سابتني تاني

عُدي:يا حبيبتي هترجع تاني

نيرة: بس هفضل لوحدني تاني ومحدث

معايا

عُدي: وانا روحت فين ان شاء الله كيس  
جوافه انا قرطاس لب ال محدش معايا ال

قومي من جنبي يا بت

نيرة ضحكت ومسحت دموعها: مقصدش

كده

عُدي: بلا تقصدي بلا متقصديش

نيرة: والله ما تزعلي يا بيضه

عُدي: صالحيني طيب

نيرة: ازاي

عُدي: تروحي كده زي الشاطره تغسلي  
وشك وتلبسي علشان هاخذك ونخرج

نتغدى يلا

نيرة: حاضر... وتجري الايام وعلاقتهم بتزيد  
وبتقوى اكثر واكثر بعد شهر ونص من  
الأحداث الي حصل دي

قاعدين على الرمله وراسها على  
كتفهوباصين للبحر الساعه ٥ المغرب

نيرة: عُدي..

عُدي:همم

نيرة: انا بحبك اووووي

عُدي ابتسم: وانا بحبك اوي

نيرة رفعت راسها وبصت ليه: طب.. هو انت

حبتني ليه؟

عُدي:عايزه تعرفي؟

نيرة:اه

عُدي: حبيتك علشان عصبية الاطفال الي  
فيكي حبيتك علشان ادبك واخلاقك حبيتك  
علشان جمال روحك علشان لما حاولت  
□♥ اتطاول معاكي وقفيني عند حدي  
علشان ثقافتك علشان طيبه قلبك علشان  
انتي حلوه من جوا وبرا علشان انتي تحبي  
علشان جمال عيونك.. لذلك احبك يا

□♥ اميرتي

□♥ نيرة بصت له وابتسمت

تمت النهاية